

# *MUDZIMU WA MAANDA*

## *O BVULWAHO LUPILA*

### *PHANDA HASHU*

 Ndi na Mañwalo a si gathi o ñwalwaho fhasi, ane nda do takalela u amba na inwi ngao, huno ndi a fulufhela zwauri Mudzimu u do fhañutshedza vhuñidini hashu vhu shayaho nungo.

<sup>2</sup> Zwino, vhathu vhanzhi vho no mangala uri ndi ngani ri vho pambuwaho nga maanda nahone ri tshi ita phosho nga maanda. Ni a ñivha, holu ndi luñwe lushaka-vho lwa—lwa khuvhangano lu sa ñani na lune vhathu vha—vha anzela u lu vhona. Huno, kanzhi, tshiñwe na tshiñwe tshi nga tshivhumbeo tshine tsha vha hu uri tshi dzula tsho itwa. Fhedzi musi ri tshi da kha idzi khuvhangano, hune ha vha ha uri ho vha pfanelo yanga zwino lwa miñwaha i re na tshivhalo tshi bva tshee dza thoñwa, huno a ri ñivhi na uri ri khou yo itani. Ri tou da nahone ra ñinekedza. Itsho ndi tshone tshithu tshi tshoñthe tshine ra ñivha u tshi ita. Huno Mudzimu u ita zwe salaho. Ngauralo izwo zwi ri ita vhathu vha no ñifara nga ndila i songo ñoweleaho nga maanda.

<sup>3</sup> Nga liñwe ñuvha, muñwe o ri, “Ni a ñivha, inwi vhathu ni tou vha ñipambuwi.”

Nda ri, “Ndi zwone, ndi—ndi dzhia uri ri lone.”

<sup>4</sup> Huno ndi elelwa iñwe ya dzikhuvhangano. Mukomana Troy o vha a tshi khou mmbudza nga tshiñwe tshifhinga nga ha Mudzheremané muñku we a ri o ñanganedza ndovhedzo ya Muya Mukhethwa. Huno ñuvha li tevhelaho, vhengeleni le a vha a tshi khou shuma, o vha a tshi imisa zwanda zwawe huno a renda Murena, huno a amba nga dzindimi nahone a sokou bvela phanda, lu ofhisaho. Huno tsha u fhedzisela, vhasa a da huno a ri, “Heini, thaidzo ndi mini nga ha inwi?”

<sup>5</sup> A ri, “Oo, ndo tshidzwa.” A ri, “Mbilu yanga yo tou ñala dakalofulu.”

<sup>6</sup> A ri, “Zwo ralo, ni fanela u vha no vha ni na itsho tshigwada tsha dzinati henengei fhasi.”

<sup>7</sup> A ri, “Ee. Vhugala kha Mudzimu!” Ha pfi, “Livhuwani Murena kha dzinati.” A ri—a ri, “Inwi ni dzhia modorokara, u tshi tsa nga tshiñaraña.” Ha pfi, “Inwi ni bvisa nati dzoñthe khayo, a ni na tshithu nga nnnda ha ‘gwangwangwa.’” Huno izwo zwi tou... Zwi ñodou vha zwone, ni a ñivha.

<sup>8</sup> Linwe duvha, kha la California, ndo vha ndi tshi khou tsa nga zwiṭaraṭa zwa Los Angeles, huno nda vhona munna we a vha e na tshiga kha khana yawe, na *hafha*. Huno a ri, “Ndi dabādaba la Kristo.” Huno muṇwe na muṇwe o vha o mu sedza. Huno nda vha vhona vha tshi rembuluwa nahone vha tshi khou sedza, nga murahu ha musi o no fhira. Huno nda elekanya uri ndi do tevhela na vhañwe vhavho vho salaho. Huno kha . . . muṭana wawe, a ri, “Ni dabādaba la nnyi?” Iina. Ndi dzhia uri roṭhe ri nga vho pambuwaho, muṇwe kha muṇwe, ni a divha.

<sup>9</sup> Fhedzi, ni a divha, shango li dzhena kha ndowelo yo raloho, u swikela tshiñwe tshithu tsho fhambanaho tshi tshi li ita lo pambuwaho nga maanda, u swikela vhatu vha tshi elekanya uri itsho ndi tshiñwe tshithu tsho khakheaho. Huno kanzhi Mudzimu u tea u ita tshinwe tshithu nga ndila i si ya misi nga maanda, u vhuyedzedza vhatu hafhu kha Bivhili.

<sup>10</sup> Ndi kona u humbulela uri Noaxe o vha a tshi tou nga na-nati, kha itsho tshikhathi tsha saints tshe a tshila khatsho, ngauri vho kona u sumbedza uri a hu na madi kha lutombo. Fhedzi Mudzimu o ri hu do vha na mañwe benefho. Ngauralo, Noaxe, a tshi khou rera na u tenda izwo, a vha nati.

<sup>11</sup> Huno ndo vha ndi tshi do humbulela uri musi Mushe o tsela Egipita, o vha a tshi tou nga na-nati, kha Farao. Fhedzi elelwani, Farao o vha e nati, kha ene, na ene-vho. Ngauralo vho . . . Ri a zwi talukanya izwo.

<sup>12</sup> Na Yesu o dzhiva sa mufhiriṭanyi. Ndi zwone Martin Luther o vha e nati, kha tshivhidzo tsha Kaṭolika. Huno John Wesley o vha e nati, kha Angilikheni. Ngauralo, ni a divha, tshi—tshi tsini tshifhinga tsha inwe nati. Naa a ni elekanyi ngaurali? [Tshivhidzo tshi ri, “Amene.”—Mudz.] Fhedzi, hu sa athu vha na nati, ni a divha, hu tea u vha na baudu, u thoma, u i kurufela khayo.

<sup>13</sup> Ngauralo, ni a divha, Noaxe, e nati, o . . . Zwi dzhia nati, u kokodza baudu, u kokodza tshiñwe tshithu fhethu huthihi, nahone u fara tshiñwe tshithu fhethu huthihi. Ngauralo, Noaxe o kona u kokodza vhoṭhe vha no do tenda, ngomu ha gungwa, nnda ha dzikhaṭhulo, nga u vha hawenati.

<sup>14</sup> Ri wana, uri, Mushe o kokodzela tshivhidzo nnda ha Egipita, nga u vha hawenati. Ndi zwone.

<sup>15</sup> Ndi elekanya uri ri ḥoda nati zwino, u kokodzela Muselwa nnda ha tshivhidzo. Ri ḥoda tshiñwe tshithu zwino, tshiñwe tshithu, ngauralo ri vhatu vha mufuda wo pambuwesaho. Huno ndo elekanya, madekwana a ḥamusi, arali Murena o vha a tshi funa, ndo vha ndi tshi do lingedza u vhala mañwe Mañwalo a re na vhushaka na hezwi, huno nda amba na inwi lwa zwifhinganyana zwi si gathi fhedzi, nahone nda lingedza u ni sumbedza uri ndi ngani ri vhatu vho pambuwaho nga u ralo.

<sup>16</sup> Kha ri vule Mañwalo zwino, kha Vhafilipi ndima ya 2, 1-8, na Vhakorinta Ya Vhuvhili 3:6. Huno kha ri vhale, sa izwo ri tshi tenda Ipfi la Mudzimu.

<sup>17</sup> Huno zwino, ri sa athu vhala, kha ri kotamise zwifhātuwo zwashu u itela thabelo.

<sup>18</sup> Khotsi wa tshilidzi wa Tadulu, ngangoho ri vhathu vho tondwaho, madekwana a ñamusí, u vha vha tshilaho kha tshino tshikhathi, na u vhona zwithu zwine ra vhona zwi tshi khou itea, na u ñivha uri tshifhinga tshi tsini, musi Yesu a tshi do dela Tshivhidzo Tshawe. Oo, izwo zwi nyanyula mbilu dzashu, Murena! Huno musi ri tshi fhenda masiātari, madekwana a ñamusí, ri rabela uri U do ri nea ñhaluso i bvaño kha ili linwalwa. Huno Muya Mukhethwa kha u dzumbulele mbilu dzashu zwithu zwine zwa do vha zwavhuđi nahone zwa takadza Mudzimu. Ngauri ri zwi humbela nga Dzina la Yesu. Amene.

<sup>19</sup> Ni a ñivha, ndi tenda uri ndi do ni humbela u ita tshiñwe tshithu. Kanzhi ndi—ndi humbela zwiñwe zwithu zwisili, huno ndi a fulufhela uri a thi khou humbela tshiñwe-vho tshine tsha vha tshisili lwo kalulaho. Fhedzi musi ri tshi fulufhedzisa vhukuma u ñhonifha fulaga, roþhe ri a ima. Huno—huno fulaga i tshi fhira, ri a ima; zwine, ra tea u ita. Huno ri a ima, u saluta. Kha ri dzou ima nga milenzhe yashu musi ri tshi vhala Ipfi, arali ni tshi do ralo, Vhakorinta Ya Vhuvhili 3:6.

*We... a ri ita vhashumeli vha konaho vha testamente ntswa; u si wa ledere, fhedzi wa maya: ngauri ledere li a vhulaha, fhedzi maya u nea vhutshilo.*

*Fhedzi arali—fhedzi arali mulayo wa lufu, wo ñwalwaho nahone wa vhadelwa kha matombo, wo vha u wa vhugala, lwe vhana vha Israele vha si kone u vhona tshifhātuwo tsha Mushe vho ñdimisela nga ñwambo wa vhugala ha tshifhātuwo tshawe; vhugala he ha vha hu tshi khou yo fheliswa:*

*Naa mulayo wa maya u nga si simese u vha wa vhugala?*

*Ngauri arali mulayo wa u latwa u vhugala, zwo ralo mulayo wa u luga u do simesa u vha na vhugala.*

*Ngauri na uyo we wa itwa wa vhugala a wo ngo vha na vhugala kha iyi nzulele, nga nthani ha vhugala ho kalulaho.*

*Ngauri arali uyo we wa do fhela, hani... kana u do vha wa vhugala zwingafhani uyo wo salaho.*

*Sa izwo ri na lone fulufhelo lo raloho, ri shumisa muambo u pfalaho nga maanda.*

*Huno hu si u nga Mushe, we a vhea lupila kha tshifhātuwo tshawe, uri vhana vha Israele vha songo*

*kona u sedza vho diimisela kha mafhelelo a uyo we wa fheliswa:*

*Fhedzi Ɂhalukanyo dzavho dzo pofudzwa: ngauri u swikela Ɂuvha lino hu tshee ho sala lwonolu lupila lu songo bviswaho kha u vhalwa ha testamente ndala; lupila lwe lwa fhelisa kha Kristo.*

*Fhedzi na u swika kha lino Ɂuvha, musi Mushe a tshi vhalwa, lupila lu kha mbilu dzavho.*

*Naho zwo ralo musi hu tshi do humelwa ha Murena, lupila lu do bviswa. Hu si... .*

*Zwino Murena ndi uyo Muya: huno hune Muya wa Murena wa vha hone, hu na mbofholowo.*

*Fhedzi riñe rothe, nga zwifhañuwo zwo tshaho ri vhonga kha tshivhoni vhugala ha Murena, u shandukela kha tshifanyiso tsho raloho u bva kha vhugala u ya kha vhugala, nahone nga Muya wa Murena.*

<sup>20</sup> Huno kha Vhafilipi 2, ri vhala hezwi, ri tshi thoma nga ya 1, huno ri tshi vhala u swika kha ndimana ya 8.

*Arali—arali hu na phumudzo kha Kristo, arali hu na khuthadzo ya lufuno, . . . khwerano inwe-vho ya Muya, arali hu na mbilu dzinwe-vho dza khathutshelo,*

*Dadzani dakalo langa, uri ni vhe na Ɂhalukanyo nthihi, ni na lufuno luthihi, ni na mbilu nthihi, na Ɂhalukanyo nthihi.*

*Hu songo vha na tshi no itwa nga khani na vhugala vhu si ha tshithu; fhedzi nga u diñukufhadza ha Ɂhalukanyo munwe na muñwe nga a hulise vhañwe u fhira ene muñe.*

*Muthu muñwe na muñwe a songo sedza kha zwithu zwawe, fhedzi muthu muñwe na muñwe na kha... . zwithu zwa vhañwe.*

*Thalukanyo iyi nga i vhe kha inwi, ye na yone ya vha i kha Kristo Yesu:*

*We, e nga tshivhumbleo tsha Mudzimu, a sa elekanye hu vhufhura u lingana na Mudzimu:*

*Fhedzi a diita a si na bvumo, huno a dzhia tshivhumbleo tsha mulanda, huno a itwa nga tshifanyiso tsha vhatu:*

*Huno a tshi vho wanala e na tshivhumbleo tshi no nga tsha muthu, a diñukufhadza, huno a vha a thetselesaho u swika kha lufu, nahone lufu lwa tshifhambano.*

<sup>21</sup> Kha ri rabele.

<sup>22</sup> Khotsi wa Tadulu, heli Ipfi lihulwane lo vhalwaho, madekwana a ñamusi, li tshi bva kha Luñwalo Lwau

Lukhethwa, Li ite uri li vhe la vhukuma nga maanda kha mbilu dzashu, zwauri ri do tuwa hafha vhunga avho vha bvaho Emausi, vha tshi ri, “Naa mbilu dzashu a dzo ngo swa ngomu hashu musi A tshi amba na riñe ndilani?” Ngauri ri zwi humbelia nga Dzina la Yesu. Amene.

Ni nga dzula.

<sup>23</sup> Zwino, ili ndi linwalwa lo pambuwaho nga maanda, fhedzi ndi elekanya uri lo tea uno musi. Ndo ḥodou amba nga ha thoho ya: *Mudzimu Wa Maanda O Bvulwaho Lupila Phanda Hashu*.

<sup>24</sup> Zwino, tshee ha vha na muthu, ho vha na ndala mbiluni ya muthu, u wanulula: he a bva hone; huno tshiītisi tsha u vha hafha ndi tshifhio; na uri u khou ya ngafhi. Ndi Muthihi fhedzi ane a nga kona u fhindula izwo, uyo ndi ene Muthihi O mu qisaho hafha. Huno tshifhinga tshothe muthu o ḥoda u vhona Mudzimu.

<sup>25</sup> Murahu kha Testamente Ndala, ri wana uri Mudzimu o Diambadza lupila kha vhadzia-u-sa-tenda. Mudzimu u na ndila i songo qoweleaho nga maanda ya u shuma na vhathe. U a Didzumba kha mudzia-u-sa-tenda huno a Didzumbulula kha mutendi. Mudzimu u a zwi ita izwo. Yesu o livhuwa Khotsi, uri, “Izwi zwithu O zwi dzumbela vhatali na vho funzwaho, huno a Zwi dzumbululela vhuskie vhune ha do guda.” Ngauralo, ri wana uri na kathihi Mudzimu ha shanduki, kha kudzulele Kwawe, huno tshifhinga tshothe U ita mushumo Wawe nga ndila nthihi. Ri wanulula, kha Maleaxi 3, uri O ri, “Ndi nne Mudzimu, huno A thi shanduki.” Ngauralo, U shuma nga mulayo muthihi, tshifhinga tshothe.

<sup>26</sup> Zwino ri dzhia inwe ya bugu dza kalesa dza Bivhili. Musi Yobo, muñwe wa vhanna vho lugesaho vha ḥuvhani lawe, munna o fhelelaho kha milayo ya Mudzimu, mulanda, a tamisaho, mulanda a huliseaho, nahone u swikela Mudzimu a tshi ri, “A hu na a no nga ene, kha lifhasi.” Fhedzi...lutamo lwawe, tshiñwe tshifhinga, u vhona Mudzimu. O zwi divha uri hu na Mudzimu, huno a pfa uri u takalela u Mu vhona, kana, zwa sa ralo, u do ya nduni Yawe huno a khokhonya kha vothi, nahone a ri, “Ndi do takalela u amba na Iwe.” A dzula fhasi, a amba Nae, u tou fana na zwe ra vha ri tshi ḥo ita nga tshashu.

<sup>27</sup> Ri na pfeseso. Ndi ngazwo ri kha idzi khuvhangano, hune ra kuvhangana nahone—nahone ra bula ngelekanyo dzashu. Huno—huno ri a pfesesana nga tshashu, vhukhwine, musi ri tshi amba nga ha zwithu nga tshashu. Na vhashumeli vha a ita izwo. Vhathe vha maimo othe a vhutshilo vha a zwi ita, vha a amba nga ha zwithu.

<sup>28</sup> Huno, Yobo, Mudzimu o vha e wa vhukuma khae, o ḥoda u wanulula arali o vha a si nga yi, a khokhonya kha vothi Lawe, huno—huno a vha na mu—muvhudzisano na Ene.

<sup>29</sup> Fhedzi ri wana uri Mudzimu o amba nae, fhedzi O vha o ambara lupila. O vha o ambara lupila nga tshivhumbeo tsha

tshiḍumbumukwe. Huno O vhudza Yobo uri a vhofhe khundu dzawe; O vha a tshi khou yo amba nae, vhunga muthu. Huno O tsela fhasi nga tshiḍumbumukwe huno—huno a amba na Yobo. Huno O divhadzwa kha Yobo nga tshiḍumbumukwe, naho zwe ralo ho ngo Mu vhona kokotolo. O kona u tou pfa maya u tshi vhudzula nahone u tshi mona, mirini. Huno Ipfi la bva kha tshidumbumukwe, fhedzi Mudzimu o vha o ambara lupila e kha tshiḍumbumukwe.

<sup>30</sup> Ri wana, fhasi kha la Afrika, Afrika Tshipembe, vha shumisa ipfi *amoyah*, line la amba, “nungo i sa vhonwi.”

<sup>31</sup> Huno iyi Nungo i sa vhonwi, kha tshiḍumbumukwe, yo vha i na Ipfi li pfalaho. Yo amba na Yobo, naho zwe ralo na kathihi ha athu vhona tshivhumbeo Tshawe. Fhedzi O vha o ambara lupila, kha ene, nga tshiḍumbumukwe.

<sup>32</sup> Ri wana muñwe wa vhaporofita vhahulwane vha Bivhili, Mushe, wa Testamente Ndala, muñwe wa vhalanda vha Mudzimu vho nangiwaho, vho khethwaho, vho tiwaho, na ene o tama u Mu vhona. O vha o no vha tsini nga maanda na Ene, huno o no vhona zwithu zwinzhi nga maanda zwa tshanda Tshawe tshihulwane tsho dzumbamaho zwi tshi tuwa phanda hawe nahone tshi tshi ita zwithu zwe Mudzimu fhedzi a kona u ita. O tama u Mu vhona linwe quvha, huno Mudzimu o mu vhudza, “Tshimbila, ima nthia ha dombo.”

<sup>33</sup> Huno musi o ima kha dombo, Mushe a Mu vhona a tshi fhira. O vhona murahu Hawe. Huno a ri, “Ho vhonala vhunga munna, mutana wa munna.” Naho zwe ralo, ho ngo vhona Mudzimu. O vhona fhedzi lupila lwa Mudzimu.

<sup>34</sup> Bivhili yo ri, “A hu na muthu o no vhonaho Mudzimu nga tshiñwe tshifhinga, fhedzi Mubebwa-e-eþhe wa Khotsi o Mu divhadza.” Ngauralo, Mushe o Mu vhona, o ambara lupila, sa Munna. Ri wana uri Yehova wa Testamente Ndala o vha a tshi tou vha Yesu wa Testamente Ntswa.

<sup>35</sup> Huno—huno Dok. Scofield hafha, ri wana uri, ipfi lawe, li khou shanduka li tshi bva kha “tshivhumbeo.” Ri wana ipfi *en morphe*, nga Tshigerika, li no amba uri “zwi sa vhonwi zwe itwa uri zwi vphonale.” Tshiñwe tshithu tshine tshi nga si kone... . Ri a divha uri tshi henefho. Tshi nga vha...nga si vhonwe, fhedzi naho zwe ralo ri a divha uri tshi henefho. Huno musi O shandukisa tshivhumbeo Tshawe, tsha *en morphe*, zwine zwa amba uri O shanduka u bva kha zwi mangadzaho u ya kha zwa mupo.

<sup>36</sup> Huno O tou shandukisa tshidzumbatshifañuwo Tshawe, nga inwe ndila. Zwi fana na dirama. O vha a tshi khou tamba. Huno nga Tshigerika, musi vho vha vha tshi do shandukisa tshidzumbatshifañuwo tshavho, khamusi litambwa lithihi, mutambi muthihi a nga di vha o tamba kha zwipiða zwe fhambanaho zwi re na tshivhalo.

<sup>37</sup> Huno ḥwananyana wanga, a re hone hafha, vha kha di bva u vha nayo kha tshikolo tsha nt̄ha, di—dirama. Huno mutukana muthihi ane nda mu divha, o tamba zwipida zwi no ḥodou swika zwiṇa, fhedzi o vha a tshi ya murahu ha tshitandavhathu huno a shandukisa tshawe—tshawe tshidzumbatshifhaṭuwo, uri a kone u bva, a edze muṇwe mubvumbedzwa.

<sup>38</sup> Zwino, arali ni tshi do dzhia zwiporofito zwa Testamente Ndala malugana na zwe Mesia a vha a khou do vha zwone, ni nga zwi vhambedza na vhatshilo ha Yesu, huno no zwi wana kokotolo we Yesu a vha e ene. O vha a sa tou vha munna zwawe. O vha e Mudzimu, *en morphe*. O shandukiswa u bva kha—u bva kha zwi mangadzaho a dzhena kha tshivhumbeo tsha mupo tsha Munna. Naho zwo ralo, O vha e Mudzimu, o vhonadzwaho ḥamani, o ambadzwaho lupila lwa muthu, lupila lwa ḥamani.

Huno ni sedze Testamente Ndala.

<sup>39</sup> Ndi—ndi—ndi a divha uri ndi khou amba na vhathetshelesi vho vanganaho, madekwana a ḥamusi, vha bvaho kha zwipida zwo fhambanaho zwa shango. Huno ri hafha u wanulula. Ndi mini tshine ra—ndi mini tshine ra khou ita? Ndi mini tshine—ndi mini tshine ra vha tshone? Ri khou ya ngafhi? Hu khou iteani? Izwi zwoṭhe zwi ambanī?

<sup>40</sup> Huno zwino ri wana, ngomu hafha, zwauri, vhanna na vhasadzi vha si gathi vha Vhayuda, na vhafunzi ngomu—ngomu—ngomu ha thembele, kha maduvha o fhiraho. Arali vho vha vho sedza Bivhili, zwiporofito, vhudzuloni ha maitele, vho vha vha tshi do vha vho limuwa we Yesu a vha ene. Vho vha vha tshi do vha vha songo Mu vhidza Belesebulu na kathihi. Vho vha vha tshi do vha vha songo Mu vhamba na kathihi. Fhedzi, zwoṭhe zwo do tea u tamba. Itsho ndi tshipida tsha dirama. Huno vho vha vho pofudzwa, kha heli fhungo.

<sup>41</sup> Zwi tou fana na vhunzhi hanu vhanna, vhasadzi, hafha madekwana a ḥamusi, ni nga vha ni vha vhukale hanga kana vha kale zwiṭuku. Ni a elelwa, hafha America, miñwaha yo fhiraho, hu sa athu... Matshaina... Mukomana wanga, ane a kha di bva u vha divhadza hafha, we a da kha ḥalukanyo yanga musi ndi tshi khou amba nae. Nga ndila ye vha vha vha tshi anzela... Vho vha vha sa koni u amba Tshiisimane, huno vha—vha langa londoria. Huno ni ya kha londoria yawe, uri londoria yanu i itwe. Vha—vhanna vha londoria ya Matshaina vha do dzhia tshisumbavhuyo, huno vha tshi kherula nga iñwe ndila. Inwi ni dzhia tshiñwe tshipida tsha tshisumbavhuyo; ene u do dzhia tshiñwe tshipida. Fhedzi musi ni tshi vhuya uri ni while thundu dzaṇu, izwo zwipida zwivhili zwa bammbiri zwi tea u andana. Huno arali zwi songo andana nga ndila yone kokotolo... No vha ni si nga tshi edzi nga ndila iñwe-vho, ngauri o vha e na tshipida tshithihi huno inwi na vha ni na tshiñwe. Huno arali tsho edza... Zwenezwo no vha na pfanelo ya u whila zwe zwa vha

zwi zwañu. Huno zwenezwo no wana zwe zwa vha zwi zwañu, musi ni na tshiñwe tshipida tsha konñiraka.

<sup>42</sup> Zwo tou ralo, madekwana a ñamusi, musi ro wana tshiñwe tshipida tsha konñiraka. Musi, Mudzimu o kherula Murwa Wawe a bva zwipida zwivhili, ngei Khalivari, a tshi dzhia muvhili u itela Tshithavhelo, huno a rumela Muya fhasi kha riñe, we wa vhuya wa dzula ngomu ha Munna, Yesu. Mudzimu onoyo u ngomu ha lupila madekwana ano, nga tshivhumbeo tsha Muya Mukhethwa. Izwo zwipida zwivhili zwi tea u ña fhethu huthihi, zwenezwo ni tshipida tsha konñiraka. Mudzimu o zwi ita hezwi, uri a ñivhee lwa khwine kha muthu, musi A tshi Diita Muthu.

<sup>43</sup> Ndo vha ndi tshi khou vhala tshiñori, miñwe miñwaha yo fhiraho. Huno kha itsi tshiñori, tsho amba nga ha khosi khulwane, i funeaho... Ndo hangwa dzina ñayo, zwenezwino. Ndo vha ndi sa khou elekanya nga ha u amba tshiñori. Tshone, khamusi fikishini, fhedzi tshi ri khadela kha kuvhonele kune kwa ri ñea mafhungo nga ha zwine ra ñodou amba. Iyi khosi, yo vha i khosi i funeaho nga maanda, nahone i mufunwa muhulwane nga maanda wa vhaluvha vhayo, u swikela, liñwe duvha, phanda ha mulindi wayo—wayo na vhakololo, i tshi ri, “Namusi, ni mmbona tshifhinga tshañu tsha u fhedzisela, lwa miñwaha minzhi.”

<sup>44</sup> Huno mulindi wayo na vhakololo vhayo vha ri khayo, “Khosi yavhudì, ndi ngani u tshi amba izwo? U khou ya kha shango ñisili, huñwe fhethu, huno wa vha mutsinda?”

<sup>45</sup> Ya ri, “Hai. Ndi khou dzula henehfano. Ndi zwone,” ya ri, “Ndi khou bva vhukati ha vhaluvha vhanga. Ndi khou yo vha muthuzwawe. Ndi khou yo tumukanya khuni nga kubaðwana kwa khuni. Ndi khou ya u—u lima mavu nga tshishumiswa. Ndi khou ya u khwathela miñokola na avho vha no khwathela miñokola. Ndi khou ya u vha muñwe wavho, uri ndi kone u ñivha zwa khwine kha zwine vha khou ita. Huno ndi a vha funa. Huno ndi ñodou ñivhana nga maanda navho, nga nne muñe. A vha nga nnñivhi. Fhedzi, naho zwo ralo, ndi ñodou ñivhana navho, nga iyo ndila.”

<sup>46</sup> Huno nga matsheloni a tevhelaho, musi vharumiwa vhayo, vhathu vhayo vhothe vho no i vhona, kana avho vhe vha vha vhe pfamoni, i tshi bvula khare yayo huno ya i vhea fhasi kha tshidzulo, yone khuluñoni; huno ya bvula nguvho yayo, huno ya ambara zwiambaro zwa muthuzwawe, ya tshimbila nnnda vhukati ha vhathu zwavho.

Zwino, kha itsi tshiñori tshiñuku, ri wanulula-ha nga ha Mudzimu.

<sup>47</sup> Vha amba na khosi, vha ri, “Khosi, ri a u ñoda. Ri a u funa. Ri—ri ñoda u tshi dzula u khosi.” Fhedzi o ñoda u vha muñwe wavho, u vha ñivha lwa khwine, uri vho vha vha tshi do mu ñivha

lwa khwine, vhukuma zwe a vha e zwone. Zwo vha zwi tshi do vha ḥanelā zwe a vha e zwone vhukuma.

<sup>48</sup> Huno izwo ndi zwe Mudzimu a ita. O—O Dīshandukisa, kha u vha Yehova Mudzimu, u vha muñwe washu, uri A kone u tambula, A kone u thetshela lufu, A kone u qivha zwe luvholela lwa lufu lwa vha lu zwone, huno a Dīhwese tshigwevho tsha lufu. O vhetshela thungo khare Yawe—Yawe na nguvho Yawe, huno a vha muñwe washu. O ḥanzwa milenzhe na vha—na vha—vha ḥitukufhadzaho. O dzula dzidenndeni, na vhashai. O eđela ma—małakani na zwiżaraṭani, na avho vhe vha vha songo tondweswa. O vha muñwe washu, uri A kone u ri pfectesa lwa khwine, na uri ri kone u Mu pfectesa lwa khwine.

<sup>49</sup> Zwino, ndi elekanya, kha hezwo, ri a wanulula, u shandukiswa ha, Ene mune, zwe A ita. Arali ni tshi do dzhieila nzhele, O da nga dzina la vharwa vhararu. O da nga dzina la Murwa-muthu, na nga Murwa wa Mudzimu, na Murwa wa Dafita. O da sa Murwa-muthu.

<sup>50</sup> Zwino, kha Hesekiele 2:3, Yehova, Ene mune, o vhidza Hesekiele, muporofita, “murwa-muthu.”

<sup>51</sup> *Murwa-muthu* zwi amba “muporofita.” O do tea u da nga heyo ndila, u khunyeledza Doiteronomio 18:15, ye Mushe a ri, “Murena Mudzimu wanu u do vusa muporofita vhukati hanu a no nga nne.” Na kathihi ho ngo vhuya a Dīvhidza Murwa wa Mudzimu. O Dīamba sa, “Murwa-muthu,” ngauri O do tea u da u ya nga Luñwalo. Ni a vhona? O do tea u ita izwo zwipiđa zwivhili zwa bammbiri lo kherulwaho, vhuporofita ha Testamente Ndala na mvumbo Yawe Ene mune, uri zwi fane kokotolo. Ngauralo, U da, Murwa-muthu, u da nga itsho tshivhumbeo.

<sup>52</sup> Zwenezwo ri wana, nga murahu ha lufu Lwawe, mbulungo, na mvuwo, A tshi da nga Duvha la Pentekoste, sa Murwa wa Mudzimu; Mudzimu, Muya, nga tshivhumbeo, Muya Mukhethwa. O vha A tshi khou itani? O vha a tshi khou Dīshandukisa, a tshi khou Dīdivhadza kha vhatu Vhawe nga tshivhumbeo tsho fhambanaho. Vhunga, Muya Mukhethwa, une wa vha Mudzimu, O da u shuma nga zwikhathi zwa tshivhidzo, sa Murwa wa Mudzimu, Muya Mukhethwa.

<sup>53</sup> Fhedzi, kha Nwahagidi, U da sa Murwa wa Dafita, u dzula kha khuluñoni ya Dafita, Khosi. O vha a khou yo dzhia khuluñoni ya Dafita. U kha khuluñoni ya Khotsi zwino. Huno zwenezwo O ri, “Ane a kunda u do dzula na Nne kha khuluñoni Yanga, sa zwe Nda kunda huno nda dzula kha khuluñoni ya Khotsi Anga.” Ngauralo, Ene, kha Nwahagidi, U do vha Murwa wa Dafita. Ndi mini? Mudzimu onoula, tshifhinga tshothe, a tshi tou shandukisa Tshawe—Tshawe tshidzumbatshifhaṭuwo.

Nne, kha mufumakadzi wanga, ndi munna.

<sup>54</sup> No dzhieila nzhele? Musadzi wa Musirofenike o ri, “Iwe Murwa wa Dafita, khathutshela.” Ene, na kathihi ho ngo vhuya

a Mu dina, na luthihi. O vha a si na pfanelo dza u Mu vhidza hezwo. O vha a si na mbilo Khae sa Murwa wa Dafita. Ene—Ene u Murwa wa Dafita, kha Muyuda. Huno zwino U da... Fhedzi musi o Mu vhidza, “Murena,” O vha e Murena wawe, zwenezwo o wana zwe a zwi humbelia.

Zwino, zwo ralo, U khou tou Dishandukisa.

<sup>55</sup> Zwino, hayani hanga, nne ndi vhatu vhararu vho fhambanaho. Hayani hanga, mufumakadzi u ita mbilo kha nne sa munna. Nwananyana wanga heneffo nnnda, ha na mbilo dziñwe-vho kha nne sa munna; ndi khotsi awe. Huno muduhulu wanga muñuku wa mutukana heneffo, nne ndi makhuñu vha mukalaha khae, ngauralo ha na pfanelo ya u mmbidza khotsi. A thi khotsi awe. Murwa wanga ndi khotsi awe. Nne ndi makhuñu wawe vha mukalaha. Fhedzi ndi kha di vha onoyo munna.

<sup>56</sup> Huno Mudzimu, zwine A ita, U tou Dishandukisa, u vha kha uyo murafho, u Diđivhadza kha avho vhatu. Huno izwo ndi zwine ra vha hafha u zwi wanulula, madekwana a namusi. Mudzimu u tea u Diđivhadza nga ndila-de kha avha vhatu nahone nga tshino tshifhinga? U shandukisa tshidzumbatshifhajuwo Tshawe, U shandukisa luža Lwawe, fhedzi Ha shandukisi mvumbo Yawe. Ha shandukisi kudzulele Kwawe—Kwawe. U tou shandukisa tshidzumbatshifhajuwo Tshawe, u bva kha tshinwe u ya kha tshinwe. U a zwi ita, u Diđizumbulula nga ndila i no pfala lwo engedzeaho kha vhatu, uri vha kone u ñivha ane A vha ene, na zwine A vha zwone.

<sup>57</sup> Kha Vhaheberu 1, ri a vhala, “Mudzimu, nga zwifhinga zwinzhi nahone nga ndila dzo fhambanaho o amba na vhokhotsi, nga vhaporofita, fhedzi nga haya mañuvha a u fhedzisela nga kha Murwa Wawe, Yesu.”

<sup>58</sup> Zwino, “Vhaporofita,” Yesu o amba, musi E hafha kha lifhasi, “vho vha vhe midzimu. Avho ni vha vhidza ‘midzimu,’ vhe Ipfi la Mudzimu la vha dela. Huno Mañwalo a nga si kone u phunyiwa,” A ralo. Ha pfi, “Ni nga Mu sañhula hani-ha, ngeno E Murwa wa Mudzimu?” Ni a vhona?

<sup>59</sup> Ipfi la Mudzimu lo kovhelwa tshikhathi tshinwe na tshinwe, zwine La do vha zwone. Huno Yesu o vha khunyeledzo ya zwiporofito zweþhe. “Kha Ene ho fhañela u khunyelela u vha Mudzimu hoþhe lwa tshivhili.” Lo vha li Khae. O vha e Ene we a vha e kha Yosefa. O vha e Ene We a vha e kha Eliya. O vha e Ene We a vha e kha Mushe. O vha e Ene We a vha e kha Dafita, khosi yo landulwaho.

<sup>60</sup> Vhatu Vhawe vho mu landula, sa khosi. Huno musi a tshi bva mu—muñani, muthu muñuku, a þupheahao a no kokovha u mona hoþhe, ho ngo takalela muvhuso wawe—wawe, sisteme yawe, huno a mu pfela mare. Huno mulindi a kokodza bangaa lawe, a ri, “Ndi do litsha iyo þohyo ya mmbwa i khae, i tshi khou pfela khosi yanga mare?”

<sup>61</sup> Huno Dafita, khamusi a sa ṭalukanyi zwe a vha a tshi khou ita nga tshifhinga tshenetsho, fhedzi o vha o doliswa. Huno a ri, “Mu litsheni. Mudzimu o mu vhudza u ita hezwi.” Huno a gonya muvhundu huno a lilela Yerusalem, khosi yo landulwaho.

<sup>62</sup> Naa no dzhiela nzhele? Miňwaha ya madana a si gathi u bva zwenezwo, Murwa wa Dafita a tshi pfelwa mare, zwičaračani, huno o vha e muvhunduni, thavhani yeneyo nthihi, o sedza fhasi Yerusalem, Khosi yo landulwaho. Huno a vhidzelela, “Yerusalem, ndi kangana Ndi tshi do vha ndo u kuvhatedza sa phambo yo kuvhatedza khukhwana dzayo, fhedzi iwe wa si ḥode?”

<sup>63</sup> Na kathihi ho ngo shandukisa kudzulele Kwawe, ngauri Vhaheberu 13:8 yo ri, “Ndi Ene onoula wa mulovha, ɣamusi, na lini na lini.” Mudzimu o itwa ɣama, uri a kone u fa, u ri phulusa kha tshivhi. Ndi ngazwo O Dipfumekisa, uri a vhe mu—Munna.

<sup>64</sup> Ri vhona, kha Yohane Mukhethwa 12:20, Vhagerika vho no pfa nga Hae. Zwino, a hu na muthu ane a nga vhuya a pfa nga Hae nga nnda ha musi mbilu yawe i tshi swela u Mu vhona. Vhunga Yobo na vhaporofita vha kale, vhothe vho ḥoda u Mu vhona. Ngauralo, uyu Mugerika o da u Mu vhona. Vho da kha Filipo, we a vha e wa Betsaida, vha ri, “Muňe washu, ri ḥodou vhona Yesu.”

<sup>65</sup> Vhagerika vho ḥoda u Mu vhona, fhedzi a vho ngo kona u Mu vhona ngauri O vha e thembeleni ya vhuthu Hawe. “Mudzimu o vha e kha Kristo, a tshi khou Dipfumekisa na shango.” Zwino ri wana uri, kha hezwi, havha Vhagerika a vho ngo kona u Mu vhona.

<sup>66</sup> Huno dzhielani nzhele eneo maipfi e Yesu a a bula khavho, ngavhuya. O ri, “Arali thoro ya goroi i sa weli mavuni, ya fa, i dzula i yothe.” Nga maňwe maipfi, vha nga si vhuye vha kona u Mu vhona e kha tshanduko, e kha tshidzumbatshifhačuwo tshe A vha e ngomu hatsho nga itsho tshifhinga, ngauri O vha o ambara lupila e kha ɣama ya muthu. Fhedzi musi iyo thoro ya Goroi yo wela mavuni, zwenezwo I do bveledza tshakha dzothe. O ruňwa kha Vhayuda, a hu na zwiňwe, nga itsho tshifhinga. Fhedzi iyi thoro ya Goroi i fanela u wa; Mudzimu o ambaraho lupila, e kha ɣama ya muthu, o dzumbamba kha vhadzia-u-sa-tenda, fhedzi a no khou dzumbululwa kha vhatendi.

<sup>67</sup> Kha Yohane 1, “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ɣama, huno a dzula vhukati hashu, huno ra Mu vhona, Mu-bebwa-e-ečhe wa Khotsi, o dalaho tshilidzi.” Zwino, u rangani Ipfi o vha e hone. Ipfi ndi muhumbulo wo bulwaho.

<sup>68</sup> U rangani, O vha e si Mudzimu lini. Zwino, ipfi ɻashu la Tshiišimane ɣamusi, *Mudzimu*, li amba “tshithu tsha nduvho.” Zwi ḥadisa hani ḥalukanyo. Ni nga ita muňwe muthu mudzimu. Ni nga ita tshithu tshiňwe-vho mudzimu.

<sup>69</sup> Fhedzi kha Testamente Ndala, kha Genesi 1, “U rangani *Mudzimu*,” ipfi li shumiswaho ndi, Elohim. *Elohim* li amba “Uyo a no tshila nga ethe.” Ndi phambano-de ine ipfi Elohim la vha yone, kha ipfi lashu Mudzimu. *Elohim* li amba “Uyo a no tshila nga ethe.”

<sup>70</sup> Riñe ri nga si vhe vha no tshila nga riñe vhañe. Riñe ri nga si vhe vha re na maanda oþhe, vha no kona zwoþhe, vha re hothe-hoþhe, vha no ðivha zwoþhe. Uyo Elohim u bula izwo zwoþhe. Riñe ri nga si kone u vha hezwo. Muri une na ita mudzimu ngawo, kana tshi—kana tshifhaþo, a tshi khou vha hone nga tshone tshine.

<sup>71</sup> Ngauralo, Mudzimu, u rangani, o vha e Vhutshilo, Uyo wa U Ya Nga Hu Sa Fheli. Khae ho vha hu na zwiþaluli, huno izwo zwiþaluli zwe vha Maipfi, huno Ipfi la vha ñama. Yesu o vha e Muphulusi. Huno u *phulusa*, zwi amba, “u vhuisa murahu.” Arali A tshi tea u tshi vhuisa, tshi tea u vha hunwe fhethu uri tshi vhuiswe. Ngauralo, ni a vhona, na kathihi vhathe vhoþhe vha nga si kone u zwi vhona, ngauri a si vhathe vhoþhe vhe vha vha vhe kha mihumbulu ya Mudzimu u rangani. Ni a vhona?

<sup>72</sup> Vhonani vhotshifhe. Musi vha tshi Mu vhona a tshi Dibula kokotolo na Ipfi, zwe A vha e zwone, vho ri, “Ndi Belesebulu.” Izwo zwe sumbedza he kudzulele kwavho kwa vha ku hone. Kwo vha ku kha muhumbulo wa musalauno wa iþo ðuvha.

<sup>73</sup> Fhedzi musi murengisamuvhili muþuku, we A þangana nae getheni, huno A mu vhudza, a bula tshiga Tshawe tsha mesia, nga u mu vhudza zwe a ita. “Mulandu,” a ri, “Muñe wanga, ndi a vhona uri U Muporofita. Ri a ðivha, Mesia, musi A tshi ða, U ðo ri vhudza zwithu hezwi zwoþhe.” O vha a tshi khou Mu limuwa sa Mesia, Uyo o doliswaho, ngauri E na ndalukanyo dla Luñwalo. Naa a ni vhoni? [Tshivhidzo tshi ri, “Amene.”—Mudz.] Zwipida zwivhili zwa bammbiri zwe vha zwi tshi khou ða fhethu huthihi. Ene, “Ri a ðivha uri, musi Mesia a tshi ða.”

<sup>74</sup> Zwino, Mudzimu a nga di vha o do tea u bveledza basitere ya *itsi* na *itsi*, u wana itsi tshiñwe tshililo tsha tsimbi, vhunga muvhumbi. Fhedzi musi Yesu o rembuluwa, o ri, “Ndi nne Uyo a no amba na iwe,” ho vha hu si na liambele lo raloho sa “Belesebulu.” A sia mvuvhelo yawe, a gidimela mudini, huno a ri, “Idani, vhonani Munna We a mmbudza zwithu zwe nda ita. Naa Uyu a si ene Mesia?” Ni a vhona?

<sup>75</sup> Zwino, ndi mini tsho itaho izwi? U vhea Luñwalo lwa kale na tshenzhemo ye—ye Yesu a vha a tshi khou mu ñea, ho itani? Ho ita Mesia. Huno no zwi dzhiela nzhele? Nga u þavhanya, zwivhi zwave zwa hangwelwa, ngauri, u rangani, o vha a tshi nga phuluswa, ngauri o vha e kha ngelekanyo ya Mudzimu u rangani. Ngauralo, zwe mu phulusa, kana zwa mu vhuisa, musi o no vhona Luñwalo lwo bulwaho lu tshi vhonadzwa, lwa Yehova, zwe A vha e zwone, zwine A vha zwone.

<sup>76</sup> Zwino, musi Yesu a tshi da, arali O vha a tshi do vha o da na mulaedza wa Noaxe, zwo vha zwi tshi do vha zwi songo shuma. U fhaṭa gungwa, na u papamala nn̄da, zwo vha zwi tshi do vha zwi songo shuma. Fhedzi uyo Noaxe o vha e tshipida tsha Mudzimu. O ita nga ndila i mangadzaho ngauri o vha a tshi mangadza, na mulaedza wawe wo vha u tshi mangadza ngauri wo vha u Ipfi li no khou vhonadzwa.

<sup>77</sup> O vha a si nga koni u qa na mulaedza wa Mushe, ngauri wo vha u tshi do vha u songo shuma. Mushe o vha e Mudzimu, lwa tshipida, o vhonadzwaho. O vha e ipfi lo bulwaho la iyo awara, fhedzi Yesu ho ngo kona u da nga heyo. Na kathihi Bivhili a yo ngo ri U do da nga heyo ndila.

<sup>78</sup> Fhedzi musi A tshi da, o bulwa kokotolo vhunga te—Testamente yo amba uri U do bulwa, zwenezwo avho vhothe vhe vha vha vha tshi nga phuluswa vho Li tenda, ngauri vho vha vhe mihibulo ya Mudzimu. Zwiṭaluli Zwawe u rangani zwo itwa ḥama, nahone zwa kona u phuluswa, huno zwa vhuyedzedzwa ha Mudzimu. “Hone vhothe vho Mu ḥanganedzaho, A vha nea maanda a u vha vharwa vha Mudzimu,” ngauri vho vha vha tshi nga phuluswa. U bva u rangani vho vha vhe, kha tsumbedzo.

<sup>79</sup> Arali ro vha ri tshi nga ima hafha lwa tshifhinganyana, arali zwo vha zwi tshi nga konadzea, huno ra elekanya nga ha izwo, madekwana a ḥamus, zwa Mulaedza wa awara, mihibulo yo bulwaho ya Yehova. “Hu sa athu vha na mutheo wa shango,” ri a vhudzwa, “madzina ashū o ḥwalwa kha Bugu ya Vhutshilo ya Ngwana.” Zwenezwo ri kona u vhona matungo mavhili, sa zwe nda amba u thoma, mulandu inwe i yo pambuwaho kha inwe. Zwi fanela u vha nga ndila heyo. Zwo ralo tshifhinga tshoṭhe. Zwo vha nga iyo ndila tshifhinga tshoṭhe, huno tshifhinga tshoṭhe zwi do vha nga iyo ndila. “O vha e Ipfi. Huno Ipfi a itwa ḥama huno a dzula vhukati hashu.”

<sup>80</sup> Zwino, Mudzimu, kha... murahu kha maduvha a Testamente Ndala, ri wana uri nga murahu ha musi O no bvelela kha vhathe Vhawe, nga zwivhumbeo zwo fhambanaho, O Diambadza lupila murahu ha mikumba ya thutha. Mudzimu o dzumbama murahu ha mikumba ya thutha, kha tshidzulo Tshawe tsha khathutshelo. Ri wana uri, nga ndila ye Salomo, musi o kumedza thembele ya Murena, na iyi mikumba ya thutha yo nembelela heneffo, lupila, nga ndila ye A dzhena sa Khavhu ya Mulilo nahone sa Gole, huno a tsela fhasi heneffo murahu, huno a Diambadza lupila, kha shango la nn̄da. Fhedzi, nga lutendo, Israele yo zwi ḥivha uri O vha e heneffo murahu. Vho zwi ḥivha uri O vha e heneffo, hu sa londwi zwine mashango a vhahedeni a do tea u amba. O vha o dzumbama kha mudzia-usa-tenda. Fhedzi mutendi, nga lutendo, o zwi ḥivha uri O vha e heneffo murahu. Vho vha vhe na khathutshelo. Huno O vha e kha tshidzulo Tshawe tsha khathutshelo, tshe tsha vha tshi tshipiri tshihulwane.

<sup>81</sup> Ni a divha, kha Testamente Ndala, u dzhena murahu ha uyo mukumba ho vha hu lufu. Zwino u sa vha murahu ndi lufu. Zwenezwo u dzhena ngomu ha Vhugala Hawe ho vha hu lufu. Zwino u vha kule na Vhugala Hawe ndi lufu. Izwo zwo itea, a hu na zwiñwe, kha u kheruwa ha lupila ngei Khalivari, musi lupila lu tshi kheruwa, lupila lwa kale. Zwino u vha nn̄da ha Vhuhone Hawe ndi lufu. Zwenezwo u dzhena kha Vhuhone Hawe ho vha hu lufu. Ni a vhona? Zwi a shanduka murahu na phanda, huno ni fanelu u wana Luñwalo u vhona uri ri khou tshila kha ñuvha-de.

<sup>82</sup> Zwino, musi lupila lwo kheruwa ngei Khalivari, tshidzulo tsha khathutshelo tsho vhonala tshi khagala. (Fhedzi ho iteani? Tsho vha tshi tshi khou nembelela Khalivari, tsho ñukala ngomu ha Malofha.) Sa izwo vho dzhia malofha, ñwaha na ñwaha, kha u kunakiswa ha nn̄du khethwa na u handululwa ha tshidzulo tsha khathutshelo, henefho, Mudzimu, nga u rwa Hawe huhulwane ha maanda ha maanda a lopenyo, a kherula lupila lwa kale lwa thutha u bva nt̄ha u ya fhasi, huno tshidzulo tsha khathutshelo tsha vhonala tshi khagala.

<sup>83</sup> Ngwana ya Mudzimu ya vhukuma, vhukumakuma yo vha i tshi khou nembelela i khagala tshothe Khalivari, Tshidzulo tsha Khathutshelo tsha vhukuma, musi Mudzimu o no bvisa mutengo, Ene munę; huno a vha muñwe washu, huno o no Divhonadza sa Munna, u divhana na riñe, huno rine ri divhane Nae. Tshidzulo tsha Khathutshelo tsho vha tshi khagala tshothe kha Israele yothe nga ilo ñuvha la Tshipfumelo.

<sup>84</sup> Fhedzi, khombo, maitele a vhokhotsi vha tshivhidzo nga ilo ñuvha, nga maitele avho, o ambadza Tshidzulo tsha Khathutshelo tsha ngoho lupila kha vhathe. Arali vho vha vha tshi do vha vho ñuvha Luñwalo, tshipida tshiñwe na tshiñwe tsho vha tshi tshi do vha tsho da vhunga tshisumbavhujo tsha Matshaina. Vhuporofita ha Testamente Ndala ho vha hu tshi do vha ho khunyelela, huno ho ralo. Huno arali vho funzwa Luñwalo, vho vha vha tshi do vha vho vhona Tshidzulo tsha Khathutshelo. "Sa Mushe," o amba hafha, zwauri, "u swika kha lino ñuvha vho ambara lupila. Lu kha ñi vha kha mbilu dzavho." A vha Tshi vhoni.

<sup>85</sup> Fhedzi, O vha e Mudzimu, thambulo na Tshipfumelo. O vha e Tshidzulo tsha Khathutshelo tshi no khou vhonala tshothe. Sa izwo ro imba luimbo:

Sedzani, Mu vhoneni e khagala.  
U henefho, Mukundi wa maanda,  
Tshee A kherula lupila lwa bva zwipida  
zwivhili.

<sup>86</sup> Ni a vhona, O da, Tshidzulo tsha Khathutshelo, tshi tshi khou nembelela lune tsha vhonala zwavhuđi kha tshivhidzo. Fhedzi vhone, vhe na muhumbulo u takalelwaho . . .

<sup>87</sup> Zwino, vhanna na vhasadzi, na vharumiwa vha iyi khuvhangano, ndi ṭodou amba hezwi ndi sa ṭaluli muthu. Fhedzi, nga muhumbulo wa ḥamus, nga muhumbulo wa zwe ra ḫela zwone hafha ḥamus, ndi a ofha uri maitele a vhokhotsi, vhokhotsi vha tshivhidzo, o dzumba Itshi kha vhathu vhanzhisa. Tshee Muya Mukhethwa wa da kha haya mađuvha a u fhedzisela, sa zwe zwa porofitwa, huno lupila lwo kherulwa, vhathu vhanzhisa vha lingedza u nembelela kha maitele avho a vhokhotsi. Huno ndi ngazwo vha sa koni u vhona ili dakalo lihulu, na mulalo, na zwithu zwine Tshivhidzo tsha vha nazwo ḥamus. Naho zwo ralo, Li khagala tshothe kha avho vha tendaho.

O dzumba Ipfi, Ipfi lo fulufhedziswaho la lino ḫuvha.

<sup>88</sup> Zwino, maitele o ita lupila. Vha amba zwauri maduvha a madembe o fhira. Munna o amba na nne, nzhinga yavhuđi, yo funzeaho kha la Tucson, Arizona, hune nda dzula. Ndo vha na muđangano Ramada. Huno ro vha ri tshi khou amba kha Khuvhangano Ya Vhanna Vha Bindu he Murena Yesu a da a vha hone huno a ita zwithu zwiħulwane. Huno iyi nzhinga ya Mukriste yo da kha nne, huno ya ri...Mushumeli wa tshivhidzo, munna wavhuđi, huno a ri, "Mukomana Branham, ni khou lingedza u bveledza tshikhathi tsha vhuapostola kha vhathu," a ri, "nahone musi tshikhathi tsha vhuapostola tsho no guma."

<sup>89</sup> Huno nda ri, "Ndi a ni rabela, mukomana wanga, ntsumbedzeni musi we tshikhathi tsha vhuapostola tsha guma, kha Luñwalo." Nda ri, "Tshikhathi tsha vhuapostola tsho thoma nga Duvha la Pentekoste, huno tsho no...Petro o amba, nga Duvha la Pentekoste, 'Pfulufhedziso ndi yañu, na kha vhana vhañu, na vhothe vha re kule, khathihi na vhanzhi vhane Murena Mudzimu washu a do vha vhidza.' Tsho guma lini? Arali Mudzimu a tshi kha di vhidza, zwenezwo tshikhathi tsha vhuapostola tshi kha di vha hone."

<sup>90</sup> Huno ngauralo afho ndi hune vhathu vha lingedza u bandisha mađo a vhathu vhanzhi nga maanda, nga maitele avho a vhahulwane, sa zwe zwa vha zwi zwone nga itsho tshifhingga. Huno ni a kundelwa u vhona uri mulandu vhathu vho nyanyulea nga maanda nahone vha na vhusweleli nga maanda. Huno—huno idzi khuvhangano dzi tou vha lipambuwi lo raloho, tshithu tsho raloho tshi songo doweleaho, kha vhañwe vhathu, ndi ngauri vha a vhona uri vho fhira kha izwo zwithivheli. Vho fhira kha ayo mapila, vha dzhena kha Vhuhone ha Mudzimu, hune vha vhona pfulufhedziso yo vhonadzwaho ya ino awara i tshi vhonadzwa phanda ha vhathu. Vha vhona zwe Mudzimu a fulufhedzisa.

<sup>91</sup> Kha Juele 2:28, O fulufhedzisa, zwauri, "Kha ano mađuvha a u fhedzisela hu do vha na mvula ya tsinya-mađanga i shululelwaho kha vhathu, kha maduvha a u fhedzisela." Ndi elekanya uri ipfi la Tshigerika henefho ndi kenos, line la amba

uri O “shulula” Ene mune. Hu si nga ndila ye ra vha ri tshi do amba, vhunga tshiñwe tshithu tshe tsha vha tshi ngomu ha muñwe muthu, tshe A shulula. Fhedzi, O Ḑishulula.

<sup>92</sup> O shanduka; *en morphé* Yawe. O—O shanduka, kha zwe A vha e zwone, kha zwine A vha zwone. Na kathihi ha shandukisi kudzulele Kwawe. Fhedzi nga Duvha la Pentekoste, O Ḑishandukisa kha u vha Murwa-muthu, kha Murwa wa Mudzimu. O da, a si *na* vhathe. O da *ngomu* ha vhathe, ni a vhona, onoyo Mudzimu, u bvela phanda na mushumo Wawe, kha tshino tshikhathi tshihulwane.

<sup>93</sup> O porofita kha Bivhili, zwauri, “Hu do da duvha line li sa do vha masiari kana vhusiku, fhedzi nga tshifhinga tsha nga madekwana hu tea u vha Tshedza.” Zwino, duvha, u ya nga divhashango, li tavha vhubvađuvha huno la kovhela vhukovhela. Ndi lenelo duvha lithihi, tshifhinga tshothe. Zwino, musi, Murwa, M-u-r-w-a, o Didzumbulula kha u vhonadzwa ha Ipfi lo fulufhedziswaho, kha Israele, vhathe vha Vhubvađuvha.

<sup>94</sup> Ro vha na duvha la vhuitungu. Ro vha na tshedza tsho edanaho kha vhashandululi, na vhanwe-vho, u ita zwivhidzo na dzidinomineishemi, na u zwi dzhoina na u dzhena; na u khisa vhushie, na u malisa vhalala, na u swieta vhafu, na zwinwe-vho; na u dzula ngomu ha kereke.

<sup>95</sup> Fhedzi, nga tshifhinga tsha nga madekwana, “Hu do vha Tshedza,” O ri, “nga tshifhinga tsha nga madekwana.” Huno a hu na Luñwalo lune lu nga phunyiwa. Huno onoyo M-u-r-w-a we a Ḑishulula, *kenos*, nga Ḑuvha la Pentekoste, o fulufhedzisa u ita zwenezwo zwithihi nga tshifhinga tsha nga madekwana. Ni a vhona? Ndi u ya nga pfulufhedziso.

<sup>96</sup> Vheani tshisumbavhuyo fhethu huthihi. Vhonani zwi no khou itea, nahone ni vhone zwe A fulufhedzisa, zwenezwo ni do vhona hune ra vha hone. Vheani tshithu fhethu huthihi. Ni kona u vhona u bvulwa lupila ha Ene hoyo muhulwane nahone wa maanda. Maitele o pofudza vhathe, hafhu, kha izwi zwithu zwiulwane zwe porofitwaho.

<sup>97</sup> Mushe, musi a tshi bva thavhani, ye ya vha i tshi khou Swa, tshifanyiso tsha u naka hani!

<sup>98</sup> Mushe a tsela Egipita huno a vhudza vhokhotsi vha tshivhidzo zwauri Murena Mudzimu o mu dalela nga Dzina la “NDI NNE.” Ilo Dzina ndi likhathi la zwino; a si “Ndo vha; ndi do vha.” Fhedzi, “NDI NNE,” a dzulaho e onoyo, onoyo wa mulovha, ñamusi, na lini na lini. Ndi Ene likhathi la zwino. Ene... Ilo li vhambedzwa na Vhaheberu 13:8, “Yesu Kristo onoula wa mulovha, ñamusi, na lini na lini.”

<sup>99</sup> I kha di vha Ipfi lo porofitwaho. Huno, tshivhidzo, itsho tsho do tea u andana na ilo Ipfi, tshenzhemo ya lino duvha. Vhashandululi vho vha nayo, oo, fhedzi ili ndi linwe duvha. Vhonani uri ndi duvha-de line ra khou tshila khalo. U tou fana

na zwe A vha a si nga koni u da, mađuvhani e A da kha liphasi, nga—nga ndila ye Mushe a da, kana muñwe-vho wa vhaporofita a da; zwo vha zwi songo porofitwa. Huno nga haya maduvha a u fhedzisela, zwo porofitwa uri zwi do da nga heyi ndila. Zwi nga si de nga tshivhumbeo tsha mvuseledzo ya Luther. Zwi nga si de nga tshivhumbeo tsha mvuseledzo ya Wesley. Ndi awara ya mbuyedzedzo. Ndi tshifhinga tshine tsha fanelu u vhuyeleta kha Tshedza Tsha Murwa tsha vhubvo, tsha vhubvo.

<sup>100</sup> Oo, nga ndila ye ra vha ri tshi nga kona u adza Mañwalo ngomu, kha hēlo! Huno inwi vhoratheolodzhi, tshipida tsha shango tshine na bva khatsho, ni a divha uri Izwo ndi ngoho. Ndi pfulufhedziso. Izwo ndi zwine zwa ita uri vhathu vha vhe vho pambuwaho nga maanda. Izwo ndi zwone zwi no ita mapambuwi, zwine na vha vhidza zwone. Ndi ngauri vha... ndi... Lupila lwo no vulwa, kha maitele, huno vha a Li vhona. Ndi Ene onoula wa mulovha, ñamusi, na lini na lini. Ni a vhona? Ndi—ndi pfulufhedziso ya Mudzimu, huno ri nga si kone u lwa nayo, ngauri Mañwalo a nga si kone u phunyiwa. Ee. Ri wana uri hezwo O zwi fulufhedzisa. O Dishululela ngomu ha vhathu Vhawe. Huno ndi Ene onoula wa mulovha, ñamusi, na lini na lini.

<sup>101</sup> Mushe, nga murahu ha musi o no tsela Egipita huno a divhadza hezwi, zwenezwo Khotsi a khwathisedza mulaedza wawe, nga u da kha Thavha ya Sinai, nga yeneyo Khavhu ya Mulilo, huno a fhisia thavha nga Mulilo. Naa ro dzhiela nzhele? Uyo we A mu nea pfulufhedziso, O mu ñisa e na Ipfi. O vha e na dzindaela. Huno u vha na iyi ndaela, o vha e na... Ndaela dzo vha dzi Ipfi. Na kathihi Ipfi lo vha li sa athu da kha vhathu. Ngauralo, tshifhinga tshothe Ipfi li da kha muporofita, huno O vha e muporofita wa iyo awara.

<sup>102</sup> Vhunga, Yesu o vha e Ipfi. Yohane o vha e muporofita. Huno Yesu o da khae, mađini, ngauri tshifhinga tshothe Ipfi li da kha muporofita, li si na u kundelwa. Ni a vhona? Ipfi li da khae.

<sup>103</sup> Ngauralo, Mushe, Ipfi lo da khae; dzindaela. Huno o vha e nadzo. Zwino, mulandu? Ipfi li sa athu newa nahone la vhonadzwa, Mushe o do tea u ambara lupila kha tshifhañuwo tshawe, ngauri Ipfi lo vha li songo vhonadzwa tshothe. Vho zwi divha uri tshinwe tshithu tsho itea, fhedzi a vho ngo divha uri tsho vha tshi tshini, u vhomba na u bvuma. U swikela, vha tshi ri, “Tendela Mushe u amba, huno hu si Mudzimu.”

<sup>104</sup> Huno Mudzimu a ri, “Zwo luga, Ndi do ita hezwo. U bva zwino, Ndi nga si tsha dovha nda bvelela ngaurali. Ndi do vha rumela muporofita. Ngauralo u do... Ndi do amba nga muporofita Wanga.”

<sup>105</sup> Zwino, arali Mushe, nga mulayo wa mupo, (sa Paulo, kha Vhakorinta ya Vhuvhili hafha, o ri dzumbululela), o do tea u ambara lupila kha tshifhañuwo tshawe nga lwa mupo, zwa Muya

zwi do vha zwa vhugala lwo engedzeaho zwingafhani huno zwa ambara lupila kha mudzia-u-sa-tenda zwi sa athu vhonadzwia khae! Vha do vhidza zwingafhani . . . Mushe o vha e lipambuwi. Inwi vha do ni vhidza zwingafhani, vhe na fhira kha lupila, na ya ngomu ha Khavhu ya Mulilo, na bva ni na Phaṭhutshedzo! Huno zwino no ambara lupila. Vhathu a vha koni u lu vhona. A vha koni u Li pfesesa.

<sup>106</sup> “Arali zwa mupo zwi tshi vha zwa vhugala, zwi re nga n̄tha ha mupo zwi do vha zwo engedzeaho zwingafhani! Arali zwa mupo, zwi re na magumo azwo, zwa do tea u vha zwa vhugala, Ili li si na magumo alo, li do vha la vhugala zwingafhani!”

<sup>107</sup> Fhedzi, nangwe zwo ralo, Lo ambara lupila. Lo ambara lupila hu si kha mutendi, fhedzi kha mudzia-u-sa-tenda. Ha koni u Li vhona. Tshifhinga tshothe Mudzimu u Diambadza lupila kha mudzia-u-sa-tenda. Maitele a a Li dzumba. Vhunga vho ita tshifhingani itscho, vha a zwi ita n̄amusi.

<sup>108</sup> Ulwo lwo vha lu lupila lwa muya lune ra vha nalwo zwino, he lupila lwa mupo lwa vha lu hone. A khwaṭhisizedzwa nga muporofita nga Ipfi lo n̄walwaho, muporofiti, uyo ane a da na Ipfi lo n̄walwaho, u Li ita uri li pfale.

<sup>109</sup> Vho zwi divha uri Ipfi lo vha li heneffo, fhedzi a vho ngo divha zwe La amba. Huno Mushe o ita uri Li pfale. O ri, “Ndaela i amba *Hetshi*, huno *hetshi* ndi ndi ngani.” O ita uri li pfale. Huno Li sa athu itwa uri li pfale, Lo vha lo ambara lupila.

<sup>110</sup> Huno zwo ralo, n̄amusi, lo ambara lupila kha vhathu, u swikela Li tshi dzumbululwa nahone la itwa uri li pfale kha vhathu. Mudzimu, Mudzimu a re na maanda, o ambara lupila e kha n̄ama ya muthu, ene Ipfi. Dzhielani nzhele. Zwino ri wanulula uri zwo vha zwo dzumbelwa mudzia-u-sa-tenda, fhedzi zwo dzumbululwa kha mutendi.

<sup>111</sup> Dzhielani nzhele, Mushe o do tea u dzhena ngomu ha iyi Khavhu ya Mulilo, e eṭhe. A hu na we a kona u ya nae. Ho vha hu si . . . ho . . . Naa izwo zwi amban kha riṇe? Zwauri a ni dzheni ngomu ha Heyi nga u dzhoina tshigwada tsha Pentekosta. Ni a vhona? Na kathihi Ho ngo vhuya a Li dzumbulula kha tshigwada. O Li dzumbulula kha muthu. Huno ndi nga ndila ine zwa vha ngayo n̄amusi. Inwi ni ri, “Ndi wa tshi—tshivhidzo. Ndi—ndi wa *hetshi*.” Fhedzi izwo a zwi nga shumi. Ni a vhona?

<sup>112</sup> Huno uri muṇwe a lingedze u tevhela Mushe, u zwi edza, ho vha hu lufu. Huno zwo ralo n̄amusi, lufu lwa muya, u lingedza u edza. Izwo ndi zwine . . .

<sup>113</sup> Madekwana a n̄amusi, ri khou dzhena kha, vhukati ha zwigwada hu khou vha na u vuwa, ha mbampedzo dza n̄ama; muṇwe muthu u lingedza u ita u fana Naļo, huno a tshila vhutshilo ho fhambanaho; a nga n̄wa, a nga daha, vhasadzi vha nga tshila nga maandesa nga n̄dila (iṇwe-vho) ine vha ḥoda, huno vha takalela shango, huno vha dzula hayani huno vha sedza

thelevishini, na zwithu zwa shango, nahone vha di divhidza Vhapentekostala. Vha khou lingedza u edza wa vhukumakuma. Na kathihi a Lo ngo dzumbululwa khavho, a li athu. Musi Lo dzumbululwa, li vha la vhugala, huno tshiñwe tshithu tshi bvisa izwo ngomu hanu musi ni tshi dzhena Heneffo. Ni vha lupila. Ndi . . . A zwi nga tou shuma. Huno u Li edza ho vha hu lufu.

<sup>114</sup> Lupila lwa Mushe; o vha e Ipfi li tshilaho kha vhathu. Huno ñamusi, vhathu vho ambaraho lupila vha a fana. "Vha epistola dzo ñwalwaho, dzi vhalwaho nga vhathu vhoþhe." A si epistola *ntswa*; fhedzi ndi Epistola yo no ñwalwaho, yo no vhonadzwaho. Ndi—ndi avho vha no tenda Ipfi na pfulufhedziso ya lino ðuvha, vhane Mudzimu a khou shululela Muya Wawe, kha ñama yoþhe, huno avho ndi epistola dzo ñwalwaho. Huno musi muthu a tshi lingedza u edza izwo nga lwa ñama, zwi a khakhea. Vhutshilo hanu vhu sumba zwine na vha zwone.

<sup>115</sup> Tshiñwe tshifhinga ho vha hu na mutukana, o vha o dzhena kha iñwe khakhathi. O vha e mutukana wavhuði, fhedzi a—a ya khothe. Huno muhaþuli a ri, "Ndi u wana mulandu. Ndi fanela u u phanisha lwa vhutshilo dzhele."

<sup>116</sup> A ri, "Ndi þodou senga mulandu wanga." A ri, "Ndi þodou dzhena nga rekhodo yanga."

<sup>117</sup> A ri, "A u na rekhodo. Rekhodo yau ndi zwe zwa u laþa."

<sup>118</sup> Huno ndi nga ndila ine zwa vha ngayo ñamusi, ndi ngazwo tshivhidzo tshi songo bvela phanda sa zwine tsha tea. Ndi rekhodo. Ndi mazwifhi. Ri fanela u vha vho ðinekedzaho lwo engedzeaho. Ri fanela u tenda Ipfi la Mudzimu liñwe na liñwe. Ri fanela u þoda u swikela ilo Ipfi li tshi itwa la vhukuma kha riñe. Ni a vhona? Ni a vhona? Rekhodo ndi yone i no ri thivhela u dzhena.

<sup>119</sup> Fhedzi, tshiñwe tshifhinga, (u itela uri ni bve kha itsi tsha-ndzungulule), kha khothe yeneyi, mutukana o vha a si na tshelede. Ho ngo kona u u lifha. Mulifho wo vha u tshi swika zwigidi zwa dzidolara. Fhedzi o vha e na mukomana muhulu we a da huno a mu lifhela wone.

<sup>120</sup> Zwino, ri na Mukomana muhulu, Yesu, Murwa wa Mudzimu. Huno U ða u ri lifhela wone, arali ri tshi nga tou zwi tenda huno ra kona u dzhena ngomu ha lupila Nae. Vhunga, ndi Ene Mushe washu. Yesu ndi Mushe washu wa ñamusi. Mushe, lupila, o vha e Ipfi li tshilaho kha vhathu. Ñamusi, Yesu, o ambara lupila, ndi Ipfi li tshilaho kha vhathu, uri, Yesu u kha Tshivhidzo. Muya Mukhethwa, Murwa wa Mudzimu kha vhathu, a tshi khou dzumbululwa Ipfi nga pfulufhedziso ya lino ðuvha, u Li ita nga u ralo kokotolo. Zwi a fana na zwino.

<sup>121</sup> Huno elelwani, Mushe o ita hezwi, huno a vhonadza hezwi, hu si kha shango loþhe, fhedzi kha vhathu vha mupfuluwo, kilasi nthihi fhedzi ya vhathu, avho vho vha vhe vhaþa vho bvaho kha mupfu . . . kha mupfuluwo.

<sup>122</sup> Huno ḥamusi, Muya Mukhethwa, wo livhana na vhathu vha no ri, "Phodzo ya Muya a si yone." Musi ndi tshi khou vhona . . .

<sup>123</sup> Dokotela o mmbidza, liñwe duvha, wa mufumakadzi muṭuku, oo, ho no vha na tsumbo nña kana ṭhanu henengei, dza vho lalaho vhe tsini ha lufu, vho ḥewaho dziawara, huno Muya Mukhethwa wa vha fhodza. Dokotela a vhudzisa nga hazwo. A ri, "Izwi zwi nga vha hani? Mulandu," a ri, "Ndi—ndi. . . Uyo ndi mulwadze wanga."

<sup>124</sup> Nda ri, "O vha e ene. Fhedzi zwino o vha wa Mudzimu. Ndi—ndi, ndi muluvha Wawe zwino." Ni a vhona?

<sup>125</sup> Huno ngauralo ni a vhona tshithu tshire tsha vha tshone, uri Mudzimu u khou vhidza mupfuluwu, u bva murahu ha xaradeni la ḥama li no lingedza u edza, li no lingedza u dzhoina tshivhidzo; a si Methodisi, Baphuthisi, Puresbiterieni, zwo ṭangana, fhedzi zwivhidzo zwa Pentekostala. Ndi mafhungo a muthu. Ndi inwi na Mudzimu. Ni tea u dzhena, hu si tshigwada tshañu, hu si tshivhidzo tshañu, hu si mufunzi wañu, fhedzi ndi inwi a no tea u dzhena.

<sup>126</sup> Ndi ḥoda ni tshi dzhiela nzhele tshiñwe tshiṭaluli tsha Mushe, musi a tshi bva. Nangwe zwo ralo, e muporofita, e muthu muhulwane we a vha e ene, musi a tshi bva na Ipfi, vhathu vho zwi vhona uri o shandukiswa. Tshiñwe tshithu tsho bvelela khae. Musi a tshi bva na Ipfi lo khwathisedzwaho ḥa iyo awara, dzindaela, o vha e muthu o shandukaho.

<sup>127</sup> Huno na inwi ni do vha nga u ralo, musi ni tshi bva murahu ha ulwo lupila lwa muthu lune lwa do sea muṭangano u no nga hoyu; uyo munna a no do khukhuliswa nga phodzo ya Muya, huno a ri mađuvha a madembe o fhira. No wa murahu ha ulwo lupila lwa muthu henefhō, lupila lwa sialala, huno muñwe na muñwe u do ñivha uri tshiñwe tshithu tsho bvelela kha inwi.

<sup>128</sup> Vhunga mukomana washu a huliseaho, Jim Brown. Ndi a humbulela uri Vhapuresbiterieni vhanzhi vha a ñivha uri tshiñwe tshithu tsho bvelela khae, ngauri u—u bva murahu ha lupila lwa sialala. O vhona tshiñwe tshithu kha vhathu, tshe tsha mu kunga, huno a bva murahu ha lupila.

<sup>129</sup> Ndi zwone, inwi, musi ni tshi bva murahu ha lupila, ni do vhonala tshothe kha vhathu-ha, lune vha nga kona u vhona uri tshiñwe tshithu tsho bvelela kha inwi. Ipfi lo ambara lupila, kha mudzia-u-sa-tenda, fhedzi li vhonala tshothe kha mutendi. "Yesu Kristo ndi onoula wa mulovha, ḥamusi, na lini na lini."

<sup>130</sup> Zwenezwo, ho vha hu Mudzimu. Nga ayo mađuvha, ho vha hu Mudzimu kha Muthu, Murwa Wawe, Yesu Kristo. Ri a zwi tenda izwo. A sa tou vha muporofita, a sa tou vha munna zwawe, muthu zwawe. Ho vha hu Mudzimu kha Kristo; Mudzimu kha Munna; u khunyelela u vha Mudzimu hoṭhe, lwa tshivhili kha Munna. Mudzimu kha Munna!

<sup>131</sup> Zwino ndi Mudzimu kha vhanna, u khunyelela ha Mudzimu kha u vha Mudzimu hothe, lwa tshivhili kha Tshivhidzo Tshawe tshothe, a tshi khou Divhonadza, a tshi khou khunyeledza Ipfi Lawe.

<sup>132</sup> Zwino ri wana, Mudzimu, zwikhathi zweþhe, o vha na lukanda Khae. Ene, Mudzimu, o dzumbwa murahu ha lupila.

<sup>133</sup> Zwi tou nnkhumbudza tshi-tshiþori tshiþuku tshe tsha bvelela phasi ngei Tshipembe. Huno ngauralo ho vha hu na haya ha Tshikriste. Huno zwenezwo ngomu haya afha ha Tshikriste vho tenda Mudzimu, huno vho—vho elekanya uri—uri Mudzimu o vha tsireledza kha khakhathi dzoþhe. Huno, izwo, U a ita. Huno vho vha vhe na muswa muþuku, mutukana muþuku wa miñwaha i no þodou swika ya sumbe kana malo nga vhukale. Huno—huno o ya tshikoloni tsha Swondaha hu o vha e mutukana muþuku wavhundi nga maanda. Fhedzi o vha a tshi ofha e kha ðumbu, nga maanda musi lupenyo lu tshi penya.

<sup>134</sup> Huno izwi ndo zwi vhudza muñwe munna, liñwe ðuvha, musi itsi tshipiða tsho bva nga ha uyu munna a tshi fhodzwa. Mushumeli onoyu a ri, “Vha vha ita mudzimu, Mukomana Branham.”

<sup>135</sup> Ndi zwone, o vha e musasaladzi, ngauralo ndo elekanya uri ndi ðo tou ita uri zwi gume, zwiþukunyana. Hu si u vhaisa, ni a divha, fhedzi u tou . . . Nda ri, “Naa izwo zwi kulesa na Luñwalo, u vha izwo?” Ni a vhona? Nda ri, “Hai, a zwi kulesa,” nda ri, “ngauri Yesu o vhidza vhaporofita ‘midzimu.’ Ni a vhona? Ndi zwone, ‘Mudzimu.’”

<sup>136</sup> Huno vha ri, “Ndi zwone, inwi vhatu ni lingedza u dzhia vhuimo ha Mudzimu.” Izwo a zwo ngo bvesa. Izwo ndi zwine zwa vha zwone kokotolo. Izwo ndi zwone kokotolo. Mudzimu o vhonadzwaho ñamani, sa zwe A fulufhedzisa.

<sup>137</sup> Uyu muþuku, une ra u wana. Ndo mu vhudza itsi tshiþori tshiþuku, tshire tsha da kha thalukanyo yanga zwenezwino. Zwauri, vhunwe vhusiku ha da ðumbu, huno mme vha amba na Junior, vha ri, “Zwino, iwe iya apositizi, murwa, huno u yo edela.”

Ha pfi, “Mma, ndi a ofha,” a ralo.

“A hu na tshithu tshi no khou yo u vhaisa. Gonya nahone u yo edela.”

<sup>138</sup> Muswa muþuku o lala heneþho nþha, huno lupenyo lu tshi khou penya kha mafasiþere. Huno mutukanyana a vha na mazhuluzhulu nga maanda, a vhuya a khurumela þohoh yawe, huno a ði pfa lu—lupenyo, kana a vhona lupenyo lu tshi penya kha mafasiþere, huno—huno a pfa mubvumo u tshi bvuma. Ngauralo a ri, “Mma!”

Huno vha ri, “U þodani, muswa?”

Ha pfi, “Kha vha ðe hafha nþha huno vha edele na nñe.”

<sup>139</sup> Ngauralo vha gonya zwitepisi, vhunga muñwe-vho mme wavhudzi, a fulufhedzeaho o vha a tshi do ita. Huno vha da nthā, huno vha kuvhatedza muswa muñku zwandani zwavho. Huno vha ri, “Junior, mme vha tamā u amba na iwe lwa tshifhinganyana.”

Ha pfi, “Zwo luga, mma.”

<sup>140</sup> Ha pfi, “Zwino hezwi u fanela u zwi elelwa. Ri ya tshivhidzoni, ri sa fhidzi. Ri vhala Bivhili. Ri a rabela. Ri muñwa wa Tshikriste. Ri tenda kha Mudzimu.” Huno ha pfi, “Ri tenda uri, kha madumbu na tshiñwe na tshiñwe tshirelizo, Mudzimu ndi tsireledzo yashu.”

<sup>141</sup> A ri, “Mma, ndi tenda kipiða kuñwe na kuñwe kwa hezwo. Fhedzi,” ha pfi, “musi ulwo lupenyo lu tsini nga maända,” a ri, “Ndi—ndi ḥoda Mudzimu e na lukanda Khae.”

<sup>142</sup> Ngauralo, ndi—ndi elekanya uri, a si muswa fhedzi, fhedzi roþhe ri zwi pfa nga heyo ndila. Musi ri tshi kuvhangana, musi ri tshi rabelisana, Mudzimu e na lukanda Khae.

<sup>143</sup> Huno hafha ri wana uri tshifhinga tshothe Mudzimu o vha e na lukanda Khae. Musi Mushe a tshi Mu vhona, O vha e na lukanda Khae, a tshi nga Munna. Musi Mudzimu e murahu ha dzixaraðeni, O vha e na lukanda Khae. Huno Mudzimu, madekwana a ñamusi, kha Tshivhidzo Tshawe, o ambara lupila kha Tshivhidzo Tshawe e na lukanda Khae. U kha ði vha onoula Mudzimu, madekwana a ñamusi. Ri wana zwenezwo.

<sup>144</sup> Fhedzi zwino, vhunga misi yoþhe, lupila lwa lukanda ndi lwone lu no fasha maitele. A vha tou kona u tenda uri uyo ndi Mudzimu a no khou ita avho vhathu vha ite nga u ralo. Ni a vhona? Ndi ngauri Mudzimu o ambara lupila kha Tshivhidzo Tshawe, ngomu ha lukanda, lukanda Khae. Ndi zwone. O dzumbama kha mudzia-u-sa-tenda, huno o dzumbululwa kha mutendi. Ee, muñe wanga.

<sup>145</sup> Zwino, musi lupila lwavho lwa maitele, lwa maitele a vhahulwane na Ipfi, lwo no kheruwa, oo, a hu na zwiñwe, ñamusi, zwenezwo u mbo vhonala khagala, ri a Mu vhona, Mudzimu o ambaraho lupila hafhu kha ñama ya muthu. Vhaheberu 1 yo amba nga u ralo.

<sup>146</sup> Huno na Genesi 18. Elelwani, Mudzimu o vha e Munna o ima heneffo, a tshi khou la, huno a tshi khou amba na Abrahamu, huno a amba zwe Sarah a vha a tshi khou ita denndeni murahu Hawe.

<sup>147</sup> Huno Yesu o ri, “Sa zwe zwa vha zwi zwone maðuvhani a Sodoma, zwi do vha ngauralo kha U Da ha Murwa-muthu.” Mudzimu o ambara lupila hafhu kha ñama ya muthu! Zwino, elelwani, Yesu ho ngo ri, “Musi Murwa wa Mudzimu a tshi khou dzumbululwa.” Kha Luka ndima ya 17, ndi a tenda, nahone tsini na ndimana ya 20, 21, huñwe fhethu heneffo, O ri, “Huno

musi Murwa-muthu a tshi khou dzumbululwa.” Murwa-muthu, murahu kha—kha—kha Tshivhidzo hafhu, a tshi dzumbululwa ngomu ha vhathu; hu si Murwa wa Mudzimu, fhedzi Murwa-muthu hafhu, o vhuyelelaho kha Tshivhidzo Tshawe hafhu, maduvhani a u fhedzisela. Ri wana uri izwo O zwi fulufhedzisa kha pfufhedziso dla Mudzimu.

<sup>148</sup> Ri dzhieila nzhele tshiñwe tshithu, kha Testamente Ndala. Ndi na Luñwalo hafha, kha Ekisodo. Iyo, mikumba ya kale ya thutha, yo ita mini? Yo dzumba Vhugala ha Mudzimu kha vhathu. Mikumba ya thutha; na vhathu a vho ngo kona u Vhu vhona, ngauri Ho vha ho farwa nga lukanda. Lukanda lwo vha... Vhugala ha Mudzimu ho vha hu murahu ha lukanda.

<sup>149</sup> Huno zwino Vhugala ha Mudzimu vhu murahu ha lukanda lwanu. Ndi zwone. Huno maitele ha Vhu vhoni. Vhu ngomu ha lupila, he Ipfi Ławę la vha li hone.

<sup>150</sup> Ndi mini tshe tsha vha tshi ngomu ha uyo mukumba tshifhingani itsho, mikumba ya kale ya thutha?

<sup>151</sup> Lwe, “Ho vha hu si na lunako lwa uri ri Łi takalele. Huno musi Ło no itwa nama nahone la dzula vhukati hashu, nangwe zwe ralo Ło vha li si lunako lwe ra tea u Lu takalela.”

<sup>152</sup> Huno zwino ndi zwithihi na ñamusi. A hu na tshithu kha munna kana musadzi, tshine tshi nga takalelwa. Ndi tshine tsha vha ngomu murahu heneffo. Ndi zwine tsha vha zwone. “Ndi zwone,” inwi ni ri, “uyo muthu, ndi a ñivha uri o vha a tshi anzela u vha tshidakwa. O vha a tshi anzela u ita *hetshi*.” A thi londi zwe a vha a tshi anzela u ita. Ndi mini tsho dzumbwaho murahu ha ulwo lukanda? Ndi mini tshi re murahu heneffo, itsho ndi tshone tsha ndeme. Itsho ndi tshine, tsha pofudza vhathu. Lukanda lu pofudza vhathu. Ni a vhona? Vha ri, “Ndi elelwu musi uyo musadzi o vha a tshi anzela u ita.” Ndi a ñivha zwe a vha a tshi anzela u ita, fhedzi mini-ha zwino? Ni a vhona?

<sup>153</sup> Iyo mikumba, ye ya vhuya ya vha kha thutha, fhedzi zwino i khou dzumba Vhugala ha Mudzimu, yo Vhu itela nn̄du murahu hayo. Wo vha u kha phukha, fhedzi zwino u khou itela Vhugala ha Mudzimu nn̄du.

<sup>154</sup> Huno ngauralo na lukanda lwanu lu nga shandukiswa, madekwana a ñamusi, uri lu itwe fhethu ha nn̄du ya Mudzimu, Mudzimu a tshi khou dzula kha vhuthu.

<sup>155</sup> Vhonani. Mikumba ya kale ya thutha, ri wana uri, murahu hayo ho vha... Ngomu heneffo ho vha hu na Ipfi. Huno, Ipfi, heneffo na tshinmkwa tshikhethwa tsho vha tshi hone. Gungwa lo vha lo handululwa. Huno ho vha hu mini? Vhugala ha Shekinah ho vha hu ngomu heneffo.

<sup>156</sup> Zwino, Ipfi ndi Mbeu, huno I nga si bveledze u swikela mu—Murwa a tshi I kwama. Murwa u tea u vha kha Mbeu, u I ita uri i aŋwe, u I ita uri i mele. Huno iyo ndi yone ndila i yothe.

Inwi ni dzhia Ipfi, ni a vhona, ni dzhia Ipfi la Mudzimu mbiluni yanu, huno na dzhena kha Vhugala ha Shekinah. Huno musi ni tshi ita, Vhu do disa tshinnkwa tshikhethwa, Mana, ane a newa fhedzi vhathu vho dikhethaho. Tshithu tshi tshothe tshire tshi nga a la, tsho tendelwaho u a la, hu tou vha vhathu vho tendelwaho nahone vha A divhaho. Paulo o amba hafha, “A tshi shanduka u bva kha Vhugala u ya kha Vhugala.” Ni a vhona, tsha u fhedzisela, A a da u swika A tshi vhuyeleta kha Vhugala Hao ha vhubvo.

<sup>157</sup> A tou nga mbeu ya vhugala ha nga matsheloni. Mbeu ya dzuvha, i wela mavuni. Mbeu ya livhele i wela mavuni. Ndi mini tshithu tsha u thoma? I a mela, huno ndi mutomba mułuku. Zwenezwo li ya kha malele-vudzi. Zwenezwo, u bva kha malele-vudzi, li vhuyeleta kha thoro yało ya vhubvo.

<sup>158</sup> Ndi zwone, izwo ndi zwone kokotolo zwe Tshivhidzo tsha ita. Tshi bva kha Luther, Wesley, huno zwino tsho vhuyeleta kha Thoro ya vhubvo, tsho vhuyeleta kha Vhugala Hatsho ha vhubvo, tsho vhuyeleta kha Vhugala he Tsha vha tshi khaho u rangani. Murwa we a vuwa Vhubvađuvha, ndi onoyo Murwa a no khou vhonadza tshenetsho tshithu Vhukovhela, tshi tshi shanduka u bva kha Vhugala u ya kha Vhugala. Tsho shanduka tshi tshi bva kha zwa tshihedeni, tsha tsela kha Luther; huno u bva kha Luther, tsha tsela kha Wesley; u bva kha Wesley, tsha dzhena kha Pentekoste; huno zwa di ya phanda, tshi tshi shanduka u bva kha Vhugala u ya kha Vhugala, tshi tshi khou bveledza Mana o dzumbwaho.

<sup>159</sup> Huno zwino Tsho vhibva, u Mu vhuisa kokotolo vhunga zwe A vha e zwone u rangani, mushumo wonoyo Wawe; onoyo Yesu, eneo maanda, wonoyo Muya Mukhethwa. Wone wonoyo we wa tsa nga Duvha la Pentekoste, ndi wonoyo Muya Mukhethwa une wa khou vhonadzwa namusi, u bva kha Vhugala u ya kha Vhugala, kha Vhugala. Huno tsho vhuyeleta kha Mbeu Yatsho ya vhubvo, na ndovhedzo ya Muya Mukhethwa; na zwiga zwithihi, zwimangadzo zwithihi, ndovhedzo nthihi; lushaka luthihi lwa vhathu, vha tshi ita nga ndila nthihi, nga maanda mathihi, munyanyuwo muthihi. Tshi bva kha Vhugala tsha ya kha Vhugala. Huno tshi tevhelaho tshi do vha, “Tsho shandukiswaho u bva kha uvhu Vhugala, tsha vha muvhili u fanaho na muvhili wa vhugala Wawe Ene muñe, hune ra do Mu vhona.” Abrahamu o vhona zwithihi.

<sup>160</sup> Zwino dzhielani nzhele. Ri vhona uri tsho shandukiswaho hani. U bva Khalivari, ri a rambiwa u kovhana Vhugala Hawe. Zwino, kha Vhakorinta Ya U Thoma 12, “Ri lovchedzelwa kha Muvhili Wawe. Ri lovchedzwa rothe nga Muya muthihi.” Hu si nga “mađi” mathihi. “Muya muthihi, ri lovchedzwa rothe.” Ndi zwone, zwino, huno zwenezwo ri vha tshipida Tshawe.

<sup>161</sup> Ndi a fulufhela uri a thi khou ni fareledza. [Tshivhidzo tshi ri, "Hai."—Mudz.] Ni a vhona? Ndi a fulufhela a thi ralo.

<sup>162</sup> Fhedzi, zwi tou fana na muzika wa okhesitira khulwane u no khou tamba, kana u no khou tamba dirama.

<sup>163</sup> A thi divhi zwinzhi nga ha muzika wa dziokhesitira kana dirama. Fhedzi ndo vha ndi tshi khou vhona ili litambwa... Ndo vha ndi tshi khou amba nga ha *Carmen*, musi nwananyana wanga na vhanwe vho vha vhe khalo. Huno vho—huno vho vha vha tshi khou tamba kha uyu muzika wa okhesitira, kha *Carmen*. Vho vha vha tshi khou tamba. Muzika wo vha—wo vha—wo vha u tshi khou tamba zwenezwo zwithihi.

<sup>164</sup> Zwi nga ndila yeneyo musi no lovhedzwa nga Muya Mukhethwa, kha Kristo.

<sup>165</sup> Zwino, ni a vhona, vhunzhi hapu no no vhala kana no no pfa tshitoru tsha musiki muhulwane wa Russia we a sika *Petro Na Phele*. Na nga ndila ine a, vha tamba ilo nga zwiga na tshinwe na tshinwe. Huno munwe na munwe a no divha itsho tshitoru, a no khou tshi vhala kha bammbiri, huno a kona u pfa uyo muzika wa okhesitira, nga ndila ine wa i tamba, dirama, u tshi khou i tamba, mulandu, vha divha tshanduko inwe na inwe. Vha a kona u i vhona *hafha*, huno vha vhona tshanduko.

<sup>166</sup> Fhedzi, zwino, hu bvelelani arali—arali musiki a tshi nwala tshinwe tshithu, huno ra wana uri a tsho ngo tambiwa nga ndila yone? Zwenezwo ri wana uri hu na tshinwe tshithu tshi no bvelela. Hu na tshinwe tshithu tshi siho, musi ri tshi vha vhona. Uyo we a tshi sika o tshi ita nahone a tshi nwala, huno zwenezwo muzika wa okhesitira u tshi khou tshi tamba, u rwa noti i si yone. Hu na tshinwe tshithu tsho khakheaho. Mulangi o nea nyambangazwanda yo khakheaho. Ni a vhona?

<sup>167</sup> Huno iyo ndi yone thaidzo namusi, vharathu vhanga vha Luther, vharathu vhanga vha Baphuthisi, vharathu vhanga vha Pentekostala. Vharathu vhanga vhothe vha bvaho kha dinomineisheni dzo fhambanaho, ndi yone ine ya vha yone. Ni a vhona? Ni khou lingedza u nea noti ye ya rwa kale maduvhami a Luther, Wesley, nga u ralo, ngeno, zwavhudivhudi, Tari la muzika hafha li tshi sumba uri ilo ndi linwe duvha. Ni a vhona? Ni a vhona? Ni a vhona? Ri nga si tshile tshedzani tsha Luther; o vha e mushandululi. Ri takalela tshipida tshawe—tshawe, fhedzi itsho ro no tshi tamba. Ri kule nga *hafha* murahu ha Bugu zwino. Ni a vhona? Ri nga si—ri nga si I tambe nga u ralo.

<sup>168</sup> Zwino, ndila i yotehe ine na do vhuya na kona u zwi ita, vharathu vhanga, ndi heyi. Huno vharathu vha shango, vha zwipiida two fhambanaho zwa shango, ndi nga ri, hu na ndila nthihi ine uyo—ine uyo mulangi a nga ita. U tea u dzhena kha wonoyo Muya we musiki a vha e khawo, zwenezwo o U wana. Huno musi Tshivhidzo, muzika wa okhesitira Wone une, hune shango la khou lavhelela izwi zwiga na zwimangadzo; musi

Tshivhidzo, na Musiki, na mulangi, vhothe vha tshi dzhena kha Muya wa Musiki.

<sup>169</sup> Zwenezwo musi vha tshi ri, “Mađuvha a madembe o fhira,” a zwi rwi noti i re yone.

<sup>170</sup> Fhedzi musi i tshi dzhena kha mutevhetsindo wone-wone Wawe, na Muya wone-wone Wawe; ni khou yo zwi ita hani u swikela Muya u tshi tsa, wa Musiki? Amene. Zwenezwo musi ni tshi ri, “Mađuvha a madembe ho ngo fhira na kathihi.” Muzika wa okhesitira u a vhidzelela, “Amene.” Musi ri tshi rwa, ri tshi ri, “Yesu Kristo ndi onoula wa mulovha, namusi, na lini na lini.” Muzika wa okhesitira u a vhidzelela, “Amene.” “Ni do wana maanda nga murahu ha hezwi Muya Mukhethwa wo no da kha inwi.” Muzika wa okhesitira u a vhidzelela, “Amene. Ndo U wana.” Zwenezwo a hu tshe na khumbulelo nga hawo. Muzika wothe wa okhesitira u na nyandano tshothe na Ipfi. I khou yo... [Mukomana Branham u vhanda zwanda zwave kararu—Mudz.] Ndi yeneyo. Oo! Ndi tshithu tshavhudisa. Mulangi na Musiki vha fanelu u vha kha Muya muthihi. Huno ngauralo vhoramuzika vha fanelu u vha kha Muya muthihi, u Li tamba lothe. Huno shango li khou mangala zwine zwa khou itea.

<sup>171</sup> Vhukunisi vhune vha amba nga haho, huno vha nnyita uri ndi lwale ngaho, na u tangana hohu hothe na tshinwe na tshinwe-who, na khethululo. Oo, khathutshelo! Zwo raloho, vhuṭafutafu hovhu hothe, musi U Da ha Murena hu tsini, hu na tshinwe tshithu tshi no khou rwa nga ndila yo khakheaho. Ndi a ofha uri mulangi o wana... Vhalangi vho bva kha Muya wa Musiki.

<sup>172</sup> Musi ri tshi wana Muya wa uyo Musiki, ayo maanda a vhubvo a Mudzimu e Bivhili ya amba, “Vhanna vha kale vho hwalwa nga Muya Mukhethwa u nwala iyi Bivhili,” ni do vhona izwo zwipiда zwivhili zwa bammbiri la Matshaina zwi tshi vha fhethu huthihi, u tou fana na Bivhili ya Mudzimu na mutendi zwi tshi vha fhethu huthihi, ngauri vhuvhili hazwo zwi kha Muya muthihi. Vhuvhili hazwo ndi zwithihi. Zwi andana tshothe-tshothe. Zwine ra zwi ḥoda namusi ndi vhalangi, ndi zwone, vho vhuyelela kha Ipfi, vho vhuyelela nahone vha tshi Li tenda sa zwe La amba. Zwenezwo ni vhona Mudzimu, Ene muṇe. Uho ndi u bvulwa ha lupila. Dirama i khou itwa ya vhukuma.

<sup>173</sup> Namusi, vha ri, “Ndi zwone, ndi Ene Mudzimu wa dihvazwakale. Ri a dihva zwauri O pfuka Lwanzhe Lutsuku. O ita hezwi zwothe. Huno O vha e na-nandoni ya mulilo, na vhana vha Vhaheberu.” Vhudzi ha Mudzimu wa dihvazwakale ndi mini, a si, arali A si onoyo namusi? Muthu u dzulela u hudza Mudzimu kha zwe A ita, a tshi khou elekanya nga ha zwine A do ita, huno a sa londi zwine A khou ita. Izwo zwi tou vha kha muthu u ita hezwo. Huno ndi zwithihi na namusi, vharathu vhanga. Ndi zwenezwo zwithihi. Yawee, nnenñe!

<sup>174</sup> Kha ri hume huno ri ite uri muzika wa okhesitira u tambe zwone, hune vha re vha shango vha nga kona u vhona. Yesu o ri, "Arali Nda takulelwa nthā ha ili liphasi, Ndi do kokodzela vhatu vhothe kha Nne." Huno, "Ndi Ene onoula wa mulovha, namusi, na lini na lini."

<sup>175</sup> Tendelani vhalangi u dzhena kha Muya u re won, na vhoramuzika nahone na Musiki, tshiñwe na tshiñwe tshi do luga. Zwenezwo ri, a hu na khumbulelo nga hazwo, zwenezwo ro bađekanywa Nae. Vhaheberu 13:8 yo ri, "Ndi Ene onoula wa mulovha, namusi, na lini na lini."

<sup>176</sup> Ro bađekanywa Nae kha Mishumo 2. Ro bađekanywa navho, nga ndovhedzo nthihi, zwithihi. Zwothe zve A vha e zwone nga itshe tshifhinga na zwothe zwine A vha zwone, zwothe zve A vha e zwone na zwothe zwine A vha zwone, ri zwone. Ndi zwone kokotolo.

<sup>177</sup> Utou fana arali ndi tshi ṭoda u vha Muamerika wa ngoho, ndi tea u bađekanywa na tshiñwe na tshiñwe tshe la vha li tshone, tshiñwe na tshiñwe tshire la vha tshone. Ndi tea u bađekanywa nalo, arali ndi Muamerika wa ngoho.

<sup>178</sup> Arali ndi Muamerika wa ngoho, zwenezwo ndo kavha kha Plymouth Rock. Amene. Ndo ita, arali ndi Muamerika. Na inwi no ita nga u ralo; no kavha kha Plymouth Rock na vhokhotsi vha madziilelo. Kha Plymouth Rock, musi vha tshi kavha henefho nnđa, ndo vha ndi navho; na inwi-vho, muñwe na muñwe.

<sup>179</sup> Ndo enda na Paul Revere, henefho u tsa nga ndila, u tsivhudza nga ha khombo iñwe na iñwe. Izwo ndi zwone kokotolo.

<sup>180</sup> Henefha fhasi hafha Valley Forge, ndo pfuka Delaware i re na muxwatu, na tshigwada tsha maswole e, hafu yao, ya vha i songo ambara zwienda. Ndo rabela vhusiku hothe na George Washington, phanda. Ndo pfuka Delaware ndi na bono mbilumi yanga. Ri Maamerika. Ee, muñe wanga. Ngei Valley Forge, zwa vhukuma ndo ita.

<sup>181</sup> Ndo isa dzindivhuho na vhokhotsi vha vhubvo vha Ndivhuho. Ndo isa dzindivhuho kha Mudzimu. Arali ndi Muamerika vhukuma, ndo bađekanywa henefho kha iyo ḍafula.

<sup>182</sup> Arali ndi Muamerika vhukuma, ndo bađekanywa musi ndo ima na Stonewall Jackson.

<sup>183</sup> Arali ndi Muamerika vhukuma, ndo bađekanywa ngei kha Boston Tea Party, ee, muñe wanga, musi ro hana u vha na zwithu zwi kokodzelwaho mañoni ashu. Ndi zwone, ndi tou nga Amerika vhukuma. Ndo bađekanywa henefho nayo. Ee, muñe wanga. Yawee, nnennen!

<sup>184</sup> Ndo lidza Tsimbi ya Mbopholowo, nga la 4 la u thoma la Fulwana, nga 1776. Ndo lidza Tsimbi ya Mbopholowo hafha huno

nda ḋivhadza zwauri ri vhane vha ḋilanga. U vha Muamerika vhukuma, ndo do tea u ralo.

<sup>185</sup> Ndo bađekanywa na ḫtoni dzalo kha Mvutshelano, musi mukomana o lwa. Ndi tea u hwala ḫtoni dzalo, u fana na musi ndi tshi tea u hwala vhugala haļo. Arali ndi Muamerika, ndi tea u vha nga u ralo. Ndo bađekanywa naļo. Ee, muñe wanga.

<sup>186</sup> Ndo bađekanywa Gettysburg henengei fhasi, musi Lincoln o ita tshipitshi. Ee, muñe wanga.

<sup>187</sup> Ndo vha ndi kha Tshitangadzime tsha Wake, n̄tha ha muvhili u re na malofha wa swole. Nda vuwa ndi kha Tshitangadzime tsha Wake.

Kha Guam, ndo thusa kha u imisa iyo fulaga.

<sup>188</sup> Ndi Muamerika vhukuma. Amene. Zwothe zwine La vha zwone, ndi zwone, nahone ndi a dihudza ngazwo. Ee, ngoho. Zwothe zwe Amerika ya vha zwone, zwothe zwine La vha zwone, ndi kha di vha izwo, u vha Muamerika. Tshiňwe na tshiňwe tshe La vha li tshone, ndi tea u vha tshone, ngauri ndo bađekanywa naļo.

<sup>189</sup> Ndi zwithihi, nga u vha Mukriste wa ngoho, ni tea u bađekanywa naho.

<sup>190</sup> Ndo rera na Mushe, huno nda tsivhu...kana na Noaxe, huno nda tsivhudza vhathu nga ha khačhulo i no khou da; u vha Mukriste vhukuma.

<sup>191</sup> Ndo vha ndi na Mushe kha tshitaka tshi dugaho. Ndo vhona Khavhu ya Mulilo. Ndo vhona Vhugala Hawe. Ndo vha ndi na Mushe henengei n̄tha phangani, u vha Mukriste. Ndi tea u bađekanywa na tshiňwe na tshiňwe tshe Mudzimu a vha e tshone, u vha Mukriste. Ndo no vhona vhugala Hawe. Ndo pfa Ipfi Lawe. Ni songo lingedza u ita uri zwi si vhe zwa ndeme kha nne zwino, ngauri ndo vha ndi henengei. Ndi ḋivha zwine nda khou amba nga hazwo. Ndo no vhona zwe bvelelaho. Ee, muñe wanga.

<sup>192</sup> Ndo vha ndi kha Lwanzhe Lutswuku, musi ndi tshi vhona Muya wa Mudzimu u tshi tsa huno wa fhandekanya mađi u bva thungo nthihi; hu si vhukati ha dzanda la ḫhangā, line vha khou lingedza u amba ḫamusi, fhedzi vhukati ha lwanzhe lwa ḫayo dzi no ḫodou swika mahumi mađanu na maṇa. Ndo no vhona Muya wa Mudzimu. Ndo tshimbila na Mushe vhukati ha ayo mavu o omaho, u buđekanya ulwo Lwanzhe Lutswuku.

<sup>193</sup> Ndo ima tsini ha Thavha ya Sinai huno nda vhona mubvumo na lupenyo lu tshi wa. Nda la Mana navho henengei mnđa. Nda nwa kha liļa Dombo. Ndi kha di zwi ita madekwana a ḫamusi. Ndo bađekanywa na Vhalī-vha-mana. Ndo bađekanywa na avho vhe vha nwa kha Dombo.

<sup>194</sup> Ndo bađekanywa hafhu musi Yoshua o lidza porompiṭa, huno mbondo dza Jeriko dza wa.

Ndo vha ndi bakoni ḥa dzindau na Daniele.

Ndo vha ndi ḥandoni ya mulilo u dugaho na vhana vha Vhaheberu.

Ndo vha ndi kha Thavha...na Eliya kha Thavha ya Karamele.

<sup>195</sup> Ndo vha ndi na Yohane Mulovhedzi, nahone phanda ha avho vhasasalandzi. Ndo vhona Muya wa Mudzimu u tshi khou tsa. Ndo pfa Ipfi ḥa Mudzimu li tshi ri, "Hoyu ndi Murwa Wanga a funwaho ane Nda takalela u dzula ngomu Hawe." Ee, muṇe wanga. Ndi na ngoho ndo bađekanywa nae. Izwo ndi zwone kokotolo.

<sup>196</sup> Ndo bađekanywa henengei tshaloni tsha Lazaro, musi O vusa Lazaro. Ndo bađekanywa, musadzi tshisimani, musi O mu vhudza zwivhi zwawe. Ee, muṇe wanga.

<sup>197</sup> Nga ngoho ndo bađekanywa Nae lufuni Lwawe. Huno ndo bađekanywa nga Mvuwo ya u thoma. Ndo vuwa Nae lufuni. Ndo bađekana Nae lufuni Lwawe.

<sup>198</sup> Ndo vha ndi na vha dana na mahumi mavhili, lufherani lwa n̄tha. Ndo bađekanywa henengei n̄tha navho. Hei! Ndi—ndi pfa ndi wa vhurereli. Yawee, n̄nenne! Ndo bađekanywa henengei. Ndi muṇwe wavho. Ndo bađekanywa. Ndi na tshenzhemo i fanaho na ye vha vha vhe nayo. Ndo vha ndi henengei musi zwi tshi bveleta, u vha Mukriste wa ngoho. Ndo ḥanziela Muya wa maanda u vhudzulaho u tshi khou da. Ndo ḥanziela hoyo. Nda pfa maanda a Mudzimu musi U tshi dzinginya. Ndo vha ndi na avho vho ambaho nga dzindimi. Ndo pfa n̄dodzo i tshi dzhena ngomu henehfo. Ndo vha ndi navho. Ndo bađekanywa navho musi Muya Mukhethwa u tshi thoma u amba nga dzindimi, ngavho.

<sup>199</sup> Ndo vha ndi na Petro, phanda ha vhasasalandzi kha Mishumo 2, musi o rera therero khulwane ye a i ita. Ndo bađekanywa nae. Ee, muṇe wanga.

<sup>200</sup> Kha Mishumo 4, musi vho kuvhangana, ndo vha ndi navho musi tshifhaṭo tshi tshi dzinginyea. Nga murahu ha muṭangano wa thabelo, tshifhaṭo tsho dzinginyea he vha vha vho dzula. Ndo bađekanywa henehfo navho.

Ndo rera na Paulo kha Muvhundu wa Mars. Ee, muṇe wanga.

<sup>201</sup> Ndo vha ndi na Yohane kha Tshiṭangadzime tsha Patmos, huno nda vhona U Da Hawe lwa vhuvhili.

Ndo vha ndi na Luther kha tshandululo.

<sup>202</sup> Ndo vha ndi na Wesley, tshila tshikuni; tsho fungulwaho mililoni, musi wa vhuvutshelano vhuhulwane ha u lwa na tshivhidzo tsha Anglikheni. Ndo vha ndi nae henengei.

<sup>203</sup> Huno ndi hafha madekwana a ḥamus, 1964, kha ḥa Philadelphia, Pennsylvania, ndo bađekanywa na tshigwada tsha lushaka luthihi, na tshenzhemo ya lushaka luthihi. Ndi fanelia, u

vha Mukriste. Ndi fanela u dzula ndo badekanywa hune Ipfi la Mudzimu la khou vhonadzwa. Ndo badekanywa na tshigwada tshi no pfa Muya wa Mudzimu.

<sup>204</sup> Ndo badekanywa na tshigwada tshi no divha uri O bvulwa lupila, tshi no divha uri ndi Ene onoula wa mulovha, namusi, na lini na lini, tshi no divha uri Itshi a si vhusweleli ho kalulaho. "Ndi Yesu Kristo onoula wa mulovha, namusi, na lini na lini." Ndo badekanywa na itsho tshigwada hafha, madekwana a namusi. Nangwe two ralo, vha vhidzwa tshigwada tsha vhafhiritanyi, nangwe two ralo tshigwada tsha vha vhusweleli ho kalulaho, nga nthani ha Ipfi la Mudzimu. Fhedzi, "A thi na thoni nga Mafhundo-madifha a Yesu Kristo, ngauri ndi One maanda a Mudzimu kha tshidzo," huno ndi ene. Ndi na idzo epistola dzi tshilaho dze nda amba nga hadzo, dzo khwathisedzwaho, Mudzimu o ambaraho lupila lu re nga tshivhumbeo tsha muthu, kha vhabana na vhasadzi. Oo!

<sup>205</sup> Mudzimu e kha *en morphe* Yawe hafhu, o Dibvula lupila huno a Didivhadza kha vhathe Vhawe. Khosi khulwane Ye ya vhea Vhugala Hayo thungo. "Hu tshee ho sala tshifhinganyana huno shango a li tsha do Mmbona. Ndi do vha o ambaraho lupila khavho. Fhedzi ni do Mmbona, ngauri Ndi do vha na inwi, na ngomu hanu, ndilani yothe u swika vhufheloni, a tshi khou shanduka u bva kha Luther u ya kha Wesley, u ya phanda na phanda, u bva kha Vhugala u ya kha Vhugala. Ndi kha di vha onoula Mudzimu o tshilaho, nahone a no khou humela murahu kha Vhugala ha vhubvo." Haileluya.

<sup>206</sup> O kherula lupila lunwe na lunwe lwa dinomineisheni, tshithivheli tshinwe na tshinwe tsha mubvumo. Uyo mubvumo u no ri, "Oo, izwo ndi vhusweleli ho kalulaho," O fhira khalwo. Mubvumo u no bva heneffo, wo ri, "Oo, avho vhathe vha a penga," O fhira kha ulwo lupila. Ee, O ita. "Oo, ni nga si zwi ite. A ni tshithu nga nnenda ha tshigwada tsha vha vhusweleli ho kalulaho." O fhira khalwo. "A hu na tshithu tshi no nga phodzo ya Muya." O fhira khalwo, yawee, nnenje, ngauri Ipfi Lawe lo ri U do ralo. Ni nga si kunde Ipfi la Mudzimu.

<sup>207</sup> Huno O ima heneffo, na, madekwana ano, Mukundi wa maanda, tshee A fhira kha lunwe na lunwe lwa Methodisi, Baphuthisi, Puresbiterieni, lushaka lunwe na lunwe lwa lupila. U kha di ima vhukati ha vhathe Vhawe, madekwana a namusi, a songo kundwa nga maitele. Vhathe vha ambe zwine vha toda, vha ite zwine vha toda, tshinwe-vho tshire vha toda. Mudzimu u a da, a tshi khou fhira kha itscho tshithivheli tsha mubvumo.

<sup>208</sup> Huno elelwani, vha a mmbudza uri, musi eropuleni vhukuma i tshi vunda itscho tshithivheli tsha mubvumo, a hu na mpimo kha luvhilo lwayo.

<sup>209</sup> Ndi khou ni vhudza, musi ni tshi vunda itsho tshithivheli tsha sialala, tsha uri “Yesu ndi wa tshifhingani tsha kale, huno A si wa zwino,” musi ni tshi wana uri ndi Ene onoula wa mulovha, namusi na lini na lini, a hu na mpimo kha zwe Mudzimu a vha a tshi nga ita heneffa kha ino khuvhangano, huno a sumbedza ili shango zwine vha ṭoda: hu si ṭano la shango, fhedzi mvuseledzo ya shango i no do dadzwa nahone ya lovhedzwa nga Vhuhone ha Mudzimu a tshilaho, *en morphe* a tshi khou Diambadza lupila ḥamani ya muthu. Haleluya! Ndi a zwi tenda.

<sup>210</sup> O vunda tshithivheli tshiñwe na tshiñwe, lupila luñwe na luñwe, lupila luñwe na luñwe! A hu na tshe tsha dzumba Vhuhone Hawe. Musi vhatu vha tshi farwa nga ndala mbiluni dzavho, hu na lupila lwo lugelaho u kherulwa. Ni nga di tou qitika nga ḥeneño. Kherulani lupila luñwe na luñwe, nga Muya Mukhethwa Wawe muhulwane!

<sup>211</sup> Huno O ima hafha, madekwana a ḥamus, Mukundi wa maanda, onoula wa mulovha, namusi na lini na lini; a tshi khou fhodza vhalwadze, a tshi khou lovhedza vhatendi, sa zwe A ita tshifhinga tshothe. Ndi Ene Mukundi wa maanda. Vhodiabolo vho haṭulelwaho lufu vha khou shavha. Ee, muñe wanga. Tshifhinga tshothe vha ralo, musi E hone.

<sup>212</sup> U valani, ndi nga amba hezwi. Ho vha hu na . . . Ndo vhala tshiṭori, minwahani minzhi yo fhiraho, nga ha mulidzi wa vayolini wa kale. O vha e na vayolini ya kale ye vha vha vha tshi khou yo i rengisa. No no pfa itsho tshiṭori, zwifhinga zwinzhi. Huno vho vha vha tshi khou ṭoda u i rengisa uri vha wane tshiñwe tshithu. Huno mufandesi o ri, “Ndi nnyi a no do nñea *vhunganangana*?” Ndi tenda uri o ḥekedzwa mangwende a si gathi, khamusi senthe dza mahumi maṭanu, kana tshiñwe tshithu. “Ndi khou ya luthihi, ndi khou ya luvhili . . .”

<sup>213</sup> Nga u ṭavhanyedza, munna a takuwa ngei murahu. A ri, “Lwa tshifhinganyana.” Huno a tshimbila huno a i wana. Kha ri elekanye uri o tambo holu:

Hu na Tshisima tsho ḫalah Malofha,  
A bvaho kha tsinga dza Imanuele;  
Musi vhaitazivhi vho mbwandamelaho phasi  
    ha mudalo,  
Vha tshi xedza madondo avho oṭhe a milandu.

<sup>214</sup> Zwenezwo musi a tshi i vhea phasi, ho vha hu si na iṭo lo omaho afho fhethu. Zwenezwo a ri, “Ndi nnyi a no do ḥekedza?”

<sup>215</sup> Muñwe a ri, “Zwigidi zwiṭanu. Zwigidi zwa fumi.” Yo vha i si na mutengo. Mulandu? Mu—muñe wa kale wa vayolini o dzumbulula vhunzani hayo ha ngoho.

<sup>216</sup> Oo, mukomana, khaladzi, zwino i ri ni Muñe wa ili Ipfi, We a Li ḥwala, Muya Mukhethwa muhulwane, a dodze vhura Hawe lufuno, huno a vhu kokodze u buđekanya mbilu yanu.

Hu na Tshisima tsho dalaho Malofha,  
A bva ho kha lutsinga lwa Imanuele.

<sup>217</sup> Ni do vhona ndeme yo fhelelaho, huno na vhona Mudzimu o bvulwaho lupila a tshi vhonala. Uri, U kha di tou vha onoula sa zwe A vha e zwone musi A tshi wa nga Duvha la Pentekoste, kha vhathu, musi O *kenos’ed* Ene muñe, “shululela” heneffo ngomu Hatsho. Ndi zwone.

<sup>218</sup> Inwi ni ri, “Mukomana Branham, ndo lingedza. Ndo lingedza. Ndo no ita *itshi, itsho, tshinwe*.”

<sup>219</sup> Linwe duvha ndo vha ndi na mutangano ngei Carlsbad, New Mexico. Huno ra tsa fhasi ngomu ha ili bako lihulu la kale la nyamulemalema heneffo fhasi. Huno ho vha hu tshi vhonala sa fhethu ha tshipuku, huno ra tsela fhasi heneffo. Huno munna, musi o no tsela fhasi heneffo ngomu fhethu afha, a-a dzima mbone. Huno, oo, nnenñe, ni nga elekanya uri ho vha ho swifhala hani. Ho vha ho tou... Ho vha ho swifhala lwe na vha ni tshi nga hu pfa.

<sup>220</sup> Huno izwo zwi tou vha nga ndila ine zwifhinga zwa khou vha ngayo, musi ri tshi vhona tshivhidzo tshi no kundelwa u limuwa Ipfi la Mudzimu; musi ni tshi vhona vhananyana vhashu vha Tsioni vha tshi ita nga ndila ine vha khou ita; musi ni tshi vhona vhakomana vhashu vha no daha nahone vha nwa, huno—huno vha amba miswaswo ya tshika na zwithu, huno vha tshi kha di lingedza u fara vhuțanzi havho kha Kristo. Yawee, nnenñe, ho swifhala. Ho swifhala sa tshigonțiri.

<sup>221</sup> Ri vhona tshiga tsha U Da Hawe. Hu do vha na... Tshifhinga tshothe hu swifhalesa li sa athu tsha. Zwenezwo Naledzi ya Mutsho i a bva uri i vuse duvha, na u li divhadza, na u sumba uri li khou da. Dzhielani nzhele.

<sup>222</sup> Ngomu heneffo, musi vha tshi dzi dzima, ho vha na musidzanyana we a tou zhamba nga ipfi lawe lothe. Ho vha na mutukanyana o imaho tsini ha muendedzi, huno a vhona uyo muendedzi musi a tshi dzima mbone nga u ralo. Huno uyo khaladzi mułku o vha e tsini na u farwa nga tshifikhole. O vha a tshi khou zhamba, a tshi fhufhela n̄tha na fhasi. “Oo! Ndi mini tshi tevhelaho tshi no khou yo itea? Thaidzo ndi mini? Thaidzo ndi mini?”

<sup>223</sup> Ni a divha zwe a zwi zhambela? O ri, “U songo ofha, khaladzi mułku. Hu na munna hafha ane a nga funga mbone.”

<sup>224</sup> Thetshelesani, khaladzi mułku, ni nga di elekanya uri ri vhatuku nahone ri kha vha si gathi. Fhedzi, ni songo ofha. Hu na Munna hafha Ane a nga funga Mbone. Uyo ndi Muya Mukhethwa. Ni a zwi tenda? [Tshivhidzo tshi ri, “Amene.”—Mudz.]

<sup>225</sup> Kha ri kotamise zwifhaļuwo zwashu lwa tshifhinganyana. Ndi a disola ndo ni fareledza.

<sup>226</sup> Oo Mudzimu muhulwane wa Tadulu, u tshi khou Dibvula lupila, u tshi khou Dibvisela khagala, u tshi Didivhadza, Khosi khulwane ya Vhugala, dzhia izwi zwifanyiso zwițuku, madekwana a ńamusi, huno u zwi litshe zwi wele fhasi kha mbilu dla vhathe. Huno ngavhe ri tshi vhona Ene uyo o bvulaho lupila, Ene uyo We a tsa huno a kherula lupila lwa thembele; huno zwenezwo a bvela nnđa ha ulwo lupila, a da henefha fhasi ngomu ha mapila a vhathe hafhu, nga Duvha la Pentekoste; o di dzula e onoyo, a tshi shanduka u bva kha Vhugala u ya kha Vhugala.

<sup>227</sup> Huno zwino ro vhuyelela tshothe vhunga mupo wothe, ri khou tambo, ro vhuyelela tshothe kha Mbeu ya vhubvo, u bva kha tshikhathi tshithihi tsha tshivhidzo u ya kha tshińwe. Huno kha itsi tshikhathi tsha u fhedzisela hafha, ri hafha, ro vhuyelela tshothe kha Tshithu tsha vhubvo tshe tsha wa nga Duvha la Pentekoste, u khunyeledza Luńwalo lunwe na lunwe, “Tshedza nga tshifhinga tsha nga madekwana,” na, “Mishumo ine Nda ita na inwi ni do ita-vho,” na zwithu zwinzhi nga maanda zwe Wa fulufhedzisa kha Ipfī Lau.

<sup>228</sup> Khotsi, arali ha vha na muńwe hafha ane a sa athu fhira kha ulwo lupila na kathihi, kana arali ha vha na muńwe hafha we a tou edza muńwe muthu we a fhira kha lupila, ńea tshilidzi madekwana a ńamusi, Khotsi. Ngavhe vha tshi vhona uyo Mukundi wa maanda o ima hafha, o ǵala tshilidzi na maanda, u hangwela. Zwi tendele, Khotsi.

<sup>229</sup> Huno musi zwifhańuwo zwashu zwe kotamiswa, hu do vha na vhańwe ngomu hafha? Ndi vhangana, ndi nga ri, vhane vha do ri, “Mukomana Branham, ndi khou imisa tshanda tshanga. Kha vha nthabelele”? Edzonu litsha tshifhańuwo tshanu tsho kotamiswa, huno ni imise tshanda tshanu, “Ndi ɻođou fhira kha lupila luńwe na luńwe, u swikela vhukuma ndi tshi vhona Mukundi.” Mudzimu a ni fhatutshedze. Nnenne, kha zwanda! Ntha kha madzulo a n̄ha, kha tsha u la? Mudzimu a ni fhatutshedze. Madzuloni a n̄ha u ya murahu? Imisani... Mudzimu a ni fhatutshedze. Ivhani a fulufhedzeaho vhukuma. Kha tsha monde? Imisani tshanda tshanu, ni ri, “Mukomana Branham, ndi nga di vha ndo no vha Mukriste lwa mińwaha, fhedzi, vhukuma, na kathihi a thi athu da nga kha ulwo lupila. Vhukuma a thi athu zwi ita na kathihi. A thi na Itsho tshe vha vha vhe natsho nga itshe tshifhinga.” Ńamusi, ri na... “Ndi tshimela tshi no aluswa kha puloto yo nyorwaho.”

<sup>230</sup> Dzhiani dzuvha lo aluswaho kha puloto yo nyorwaho, ni tea u li fara sa lushie, na li fuwa, na li fafadzela, na li sheledza. Fhedzi itshe tshimela tsha vhubvo tshi no aluwa ngei nnđa sogani, lushaka luthihi lwa dzuvha, tshi fana naļo; a tshi wani na mađi maťukuťuku, fhedzi a hu na zwikhokhonono zwi no da khatsho. Tshi a konđelela. Ndi tsha vhukuma.

<sup>231</sup> Naa no vha ni tshi nga vhambedza Vhukriste na Vhukriste namusi, na zwe ha vha vhu zwone nga itsho tshifhinga? Naa no vha ni tshi nga humbulela itshi tshigwada, tshine ra tshi vhidza Vhakriste namusi, kha shango lothe, vha tshi nga zwe vhala vha vha vhe zwone nga murahu ha Pentekoste; vha tshi farwa sa lushie nahone vha phaphathwa, huno vha bva kha tshiñwe tshivhidzo vha ya kha tshiñwe, huno, ha amba tshiñwe tshine na si tshi takalele, na takuwa nahone na bvela nnda? Huno, oo, no vha ni tshi nga humbulela izwo? Hai. Thaidzo ndi mini? Ndi ndovho.

<sup>232</sup> Michelangelo, we a sika tshieledzi tsha Mushe, ni nga wana ndovho ya itsho, nga ndila yo tshipaho nga maanda. Fhedzi, tsha vhubvo?

<sup>233</sup> Uyo we a pennda Tshilalelo tsha Murena, ndi a humbulela uri uyo muolokone wa vhubvo wo vha u tshi do dura dolara dza dzimilioni, arali no vha ni tshi nga vhuya na u renga. A thi vhi nda qivha hune wa vha hone. Fhedzi ni nga renga ndovho yawo yo tshipaho nga i no ḥodou swika dolara na senthe dza fuṭahemalo. Ni nga kona.

<sup>234</sup> Huno iyo ndi ndila ine zwa vha ngayo namusi. Mukriste o tshipaho, ndovho, ane a tou vha mutesvheli wa tshivhidzo, ni nga vha renga uri ni bve navho nga sigareṭe kana tshi—kana tshinwiwa zwatsho. Kana, u itela vhasadzi vho ṭunywaho mavhudzi kana milomo yo penndwaho, ni nga mu renga nga tshiñwe-vho kha fesheni dza shango. Fhedzi ni nga si kwame uyo wa vhukumakuma.

<sup>235</sup> Ndi Mu vhona a tshi tou vhonala tshoṭhe, onoula wa mulovha, namusi, na lini na lini.

<sup>236</sup> Oo, Mukriste, a ni ḥodi u vha Mukriste wa vhukuma? Arali hu na vhañwe-vho vhe na sa imise zwanda zwanu, ni do zwi ita? Zwo luga, ndi khou tou yo rabela. Mudžimu a ni fhaṭutshedze. Mudzimu a ni fhaṭutshedze. Oo, izwo zwi tou vha zwavhuđi. Edzonu zwi sedza.

<sup>237</sup> Khotsi ashu wa Tađulu, “Ipfi Lau a li nga vhuyi fhedzi ha Iwe.” Iwe wo vha Ene we a ita pfulufhedziso. Nne ndi na vhudifhinduleli fhedzi ha u amba zwauri Iwe wo Li amba. Nne ndi khou tou dovhola Maipfi Au. Iwe wo ri, “Ane a pfa Ipfi Langa huno a tenda We a Nthuma u na Vhutshilo Vhu Sa Fheli.” Wo zwi fulufhedzisa.

<sup>238</sup> Huno, Murena, ri a qivha uri ri na idzo ndovho namusi, vhanzhi vhane vha ri vha a tenda, ngeno, vha sa khou ralo. Zwi a ḥana. Fhedzi, Murena, hu na vhañwe vha vhukumakuma, na vhone-vho.

<sup>239</sup> Ndi rabela uri U tou zwi tendela, ngomu hafha, madekwana a namusi, uri munna muñwe na muñwe na musadzi, mutukana kana musidzana, hu sa londwi uri ndi vha lushaka-de, ndi vha muvhala-de, ndi vha tshivhidzo-de, Oo Mudzimu, vha ḥadze.

Ngavhe vha tshi vhona u vhonadzwa ha vhukuma ha onoula Yesu namusi, henehfa vhukati hashu, sa zwe A vha e zwone nga Duvha la Pentekoste, musi A tshi Didzumbulula u itela itsi tshikhathi, e Muya Mukhethwa. Zwi tendele, ri tshi khou vhona Maipfi a tshi khunyelela, zwiporofito zwi tshi bvelela!

<sup>240</sup> Ri a vhambedza, namusi, tshire tsha vhidzwa tshivhidzo tsha shango, Khoro ya Lifhasi ya Dzigereke, huno na vhambedza iyo na pfulufhedziso nga Pentekoste? A hu na mbambedzo, na luthihi. Ri nga si tanzwise zwiambaro zwashu zwa tshika kha iyo thikhithi.

<sup>241</sup> Fhedzi, Murena Mudzimu, arali ri tshi do vhuyeleta kha itshe Tshisima, hu na kuitele kwa u kunakisa, zwenezwo tshenzhemo yashu na Ipfi la Mudzimu zwi do elana. Zwenezwo, ri nga vhila ndaka yashu. Zwi tendele, Murena, madekwana a namusi, ndi tshi kumedzela avha vhathu zwandani Zwau. Nea muñwe na muñwe zwine ra ḥoda, Khotsi. Ri humbela nga Dzina la Yesu. Amene.

<sup>242</sup> Mudzimu a ni fhaṭutshedze. Ndi a ni livhuwa, nga maanda, no ima, no lindela tshifhinga tshilapfu. Huno ndi a disola ndo ni fareledza u swika miniti ya fumi nga murahu ha fumi. Mudzimu a vhe na inwi u swikela ndi tshi ni vhona nga matsheloni. Ndi isa thumelo zwino kha, ndi dzhia uri, kha mutshimbidzamushumo.



*MUDZIMU WA MAANDA O BVULWAHO LUPILA PHANDA HASHU* TSV64-0629  
(The Mighty God Unveiled Before Us)

Hoyu Mulaedza nga Mukomana William Marrion Branham, u rangani wo ḥewaho nga Tshiisimane Musumbuluwo nga madekwana, Fulwi 29, 1964, u itela khuvhangano ya Vhučama Ha Dzitshakha Ha Vhanna Vha Bindu La Mafhungomadifha O Ḥalaho ngei Hodelani ya Bellevue-Stratford ngei Philadelphia, Pennsylvania, U.S.A., wo dzhiwa kha rekmodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)